



Gemeenschappelijk Hof van Justitie a cera 2024 cu deficit di mas di 1 miyon florin



Pagina 3

- **Dentista ta expresa preocupacion tocante universidad di dentista dañando number di Aruba**

Pagina 4

- **Presidente di AVB suspendi pa problema cu impuesto**

Pagina 6

- **Falta claridad total riba impacto di cria pisca den lama di Aruba**

Pagina 2

Lider di oposicion Venezolano, Edmundo Gonzalez, hospitalisa na España



Pagina 11

Corte ta absolve dama di Steenwijk di a mata su yiu recién naci y deshaci di e curpa



Pagina 9

Critico di industria di medidanan di COVID-19 lo lidera programa di vacunacion di FDA



Pagina 7

Ainda no tin claridad total riba impacto di cria pisca den lama di Aruba

Petros Aquaculture Operations, e compania cu kier cuminsa cria pisa Northern red snapper den lama di Aruba, a laga traha un rapport di impacto ambiental (MER), den cual ta detaya e posibel impacto riba naturalesa y medio ambiente. Minister di Finanzas, Asunto Economico y Sector Primario di Aruba a pidi Comision pa Reportahe di Impacto Ambiental un opinion independiente riba e MER. Den e conseho, e Comision ta expresa su opinion riba e calidad y totalidad di e MER, teniendo na cuenta, entre otro, su coreccion y relevancia pa toma di decision.

E Grupo di Trabao di e Comision a bishita Aruba y e sitio di proyecto riba tera durante e siman di 20 di januari 2025, y a topa cu representantenan di Gobierno di Aruba, Petros y personanan interesa externo.

Segun e rapport di e Comision, en total, Petros tin como meta pa produci te cu 500 ton di pisca pa aña den e prome fase di cuater aña y finalmente 2.000 ton pa aña den e di dos fase. Un parti ta destina pa consumo local, un parti pa exportacion. E proyecto ta consisti di un criadero di pisca, un planta di procesamiento y un pier riba tereno. Riba lama, mas o menos ocho kilometer for di costa, e proyecto ta consisti di cuater haula di pisca (bao awa) den e prome fase y diesseis haula den e di dos fase. E diesseis haula ta cubri un area di aproximadamente 1 km² y ta hancra na tera. Barconan lo nabega bay bin varios biaha pa dia pa suministra y saca pisca y pa cuida e pisca. Ademá, tin transporte di tera (pa y for di haf y aeropuerto) y transporte di cuminda pa pisca y pisca fresco den avion.

Kico tin den e MER?

E MER ta enfoca exclusivamente riba e prome fase di e proyecto.

Riba tera, e proyecto lo ta situa riba un tereno industrial. E peso riba medio ambiente relacion cu zonido, holor, awa sushi y calidad di aire ta aumentando.

E calidad di awa di lama por baha debi cu e proyecto di criansa di pisca ta usa awa di lama y ta descarga un cierto cantidad back den lama



despues di tratamento. Awa di sushi di procesamiento di pisca ta bay na e planta di tratamiento di awa di riool (RWZI) local existente. E disponibilidad y calidad di awa di tera por deteriora durante e fase di construccion y uso.

Aunke no a observa ningun especie di bestia of mata protegi na Aruba na e localidad di plan, especie di bestia local manera parha y lagadishi si ta presente. E fasenan di construccion y uso por stroba e especienan aki. Desperdicio solido di procesamiento di pisca por atrae bestia manera raton y djaca.

E parti di e proyecto riba lama ta situa mas o menos ocho kilometer for di costa. Pisca den e haulanan ta produci residuo cu ta caba den lama y ta plama. E MER ta bisa cu e concentracion di e partícula aki ta wordo verdun lihe door di e fluho y turbulencia. Como resultado, un aumento den concentracion no ta midibel mas na un distancia cortico (50 pa 100 meter) for di e haulanan. Pa e motibo aki e impacto riba e ecosistema marino ta limita den bisindario cercano di e haulanan, pero e ta contribui na e peso total riba e ecosistema mas grandi di Lama Caribe y Golfo di Mexico. E peso total di sobrecarga ta significativo caba.

E MER ta bisa cu tur efecto negativo riba medio ambiente ta limita. Pa e area di tera, esaki ta principalmente pasobra e impacto ambiental existente di e tereno industrial ta halto caba y e aumento como resultado di e plan propone ta relativamente chikito.

Riba lama, e efectonan ta limita den relacion cu e ecosistema marino mas grandi di Lama Caribe, segun e MER.

Kico ta e conseho di e

Comision riba e MER?

E conseho aki ta un 'conseho preliminar'. Gobierno di Aruba a indica cu lo adopta e recomendacionnan di e Comision, lo laga complementa e rapport di impacto ambiental den futuro cercano y despues bolbe entrega esaki na e Comision pa un recomendacion final.

E MER ya ta duna un bista rasonabel y completo di e impacto ambiental di e proyecto y medidanan di mitigacion. E MER ta duna un bon bista di e impacto ambiental actual riba tera via di conteo di trafico y midimento di contaminacion di zonido y calidad di aire. E MER tambe hopi biaha ta contene un bon descripcion di e situacion existente di e ecosistema marino.

Ainda falta algun informacion esencial riba un cantidad di componente. Un aspecto positivo ta cu Petros kier aplica e 'Miho Practicanan di Aquacultura' y e criterionan di 'Conseho di Maneho Responsabel di Aquacultura'.

Den e MER ta menciona cu e proyecto aki ta contribui na diversificacion economico di Aruba den combinacion cu fortificacion di seguridad di cuminda. E Comision ta conclui for di e MER cu e proyecto aki solamente ta fortifica e seguridad di cuminda local den e capa superior di e poblacion Arubano. Na final, e producto final, e pisca produci, ta destina principalmente pa restaurantnan di luho, e sector di turismo y exportacion. E Comision ta recomenda pa e autoridad competente tene cuenta cu esaki ora di evalua e utilidad y necesidad di e proyecto.

E Comision ta identifica un cantidad di incertidumbre. E factibilidad di e proyecto ta dificil pa pronostica pasobra e Northern red snapper ainda

no ta wordo produci comercialmente otro caminda y no ta sigur si e especie aki por sobrevivi den haula den awanan di Aruba.

Ademá, tin incertidumbre tocante e consecuencianan pa e ecosistema marino, loke tambe ta un fuente di preocupacion cerca e personanan interesa. Pa e motibo aki e Comision ta recomenda pa construi un momento di decision despues di fase 1. E ta recomenda tambe cu e decision riba si mester escala te na 2.000 ton o no mester ta basa riba un bon y sistematico monitor y evaluacion di e prome fase di e proyecto.

Ademá di e recomendacionnan aki, e Comision ta tuma nota cu falta informacion importante ora di evalua e MER.

E siguiente puntonan ta involucre:

- Ainda falta bista riba e componentenan di e proyecto riba e siguiente puntonan: un bista actual di e plan di instalacion proyecta na e localidad di e proyecto y e area di plan riba tera inclui su limitacionnan. E descripcion di fuentenan relevante di holo y zonido denter di e proceso di procesamiento riba tera; e forma cu ta suministra awa na e criadero di pisca, cuanto awa, cuanto ta descarga y e impactonan ambiental; e forma cu ta preveni contaminacion di e lagun di Barcadera durante e limpieza y mantencion di e barconan; e ubicacion y hancramento di e pier y e consecuencia ambiental; un bista di e trafico di barco y transporte riba e pier y camindanan publico y e impacto ambiental di transporte.

- Impacto ambiental na 2.000 ton. E MER ta trata e impacto ambiental di fase 1. Un bista cuantitativo di e impacto di fase 2 ta necesario pasobra e fase aki ta un parti integral

di e proyecto y ta esencial pa operacionnan empresarial rendabel.

- Opcionnan pa procesa awa di sushi. E MER no ta demostra cu RWZI tin suficiente capacidad pa procesa awa sushi di e proyecto, awor y den futuro. Ademá, tin un falta di bista riba e posibilidadnan pa purifica awa sushi na e luga di e proyecto si e RWZI no tin suficiente capacidad.

- Impactonan ambiental riba tera y lama. E impacto ambiental acumulativo riba tera pa contaminacion di zonido, calidad di aire, contaminacion di holo y fluhoonan di trafico no a wordo traha, tampoco e impacto riba Rooi Bosal, un incision natural na costa cu mangrovenan (incluso medidanan di mitigacion). Tambe insuficiente elabora ta e consecuencianan pa ecosistema marino.

- Consecuencianan social y socioeconomico. No a describi adecuadamente e consecuencianan pa piscadonan local. Industria di turismo ta preocupa cu e haulanan riba lama lo atrae tribon, cu despues lo por aparece mas cerca y mas frecuente cerca di beach. E riesgo aki tampoco ta describi di forma suficiente.

- Sistema di maneho di medio ambiente, plan di monitor y momentonan di toma di decision. E MER ta rekeri un miho bista den e cadena di toma di decision (momentonan di tuma/no tuma decision) y den e manera cu ta maneha y monitoria consecuencianan ambiental y social. Haci e sistema di monitor SMART6. • Imagen general di e proyecto y impacto ambiental den resumen. Aunke e informacion den Anexo 37 di e MER ta hopi cla riba un cantidad di punto, locual ta falta awor ta e bista general.

Conceptonan di decision no ta disponibel ainda

E MER ta destina pa sostene decisionnan (incluso permisionan) pa e proyecto.

E decisionnan aki no ta disponibel ainda (den concepto). Como resultado, e Comision no por a verifica si e MER y e decisionnan ta consistente cu otro, por ehempel si e MER ta analisa e impactonan maximo riba medio ambiente permiti den e decisionnan. Ta coresponde na e instancia competente pa investiga esaki riba un fecha indica despues.

Gemeenschappelijk Hof van Justitie a presenta su relato anual y cuenta anual 2024

A cera 2024 cu deficit di mas di 1 miyon florin

Ayera mainta Gemeenschappelijk Hof van Justitie a presenta su cuenta anual y relato anual pa aña 2024. Corte ta cera aña 2024 cu un perdida di mas cu un punto un miyon florin. Presidente di Gemeenschappelijk Hof van Justitie Mauritsz de Kort y Director di Operacion Martin Luttge, cu a presenta e relato anual y cuenta anual a traves di un video, a elabora un poco mas riba e aspectonan mas importante di e relato anual.

Den 2024 Corte a celebra su di 155 aniversario, cual a ser celebra riba tur isla cu un asina yama 'freedom lunch'.

Esaki, presidente di Corte Sr. de Kort a indica, a brinda e oportunidad pa refleha riba e balornan central di independencia y accesibilidad. "Balornan nucleo cu ta solamente posibel pa medio di e libertad cu a ser lucha duro pa haya y cu ainda ta dificil pa proteha," el a enfatisa.

Sr. De Kort a remarca e desaroyonan mas importante di Corte den 2024. Pa loke ta trata digitalisacion el a splica cu nan a tuma pasonan significativo pa haci e sistemanan mas facil pa usa y pa procesa casonan mas lihe den forma digital, tambe casonan cu asuntonan pa gradonan mas halto.

Pa loke ta trata e calidad, el a splica cu como resultado di e conferencia di calidad algun aña pasa, nan a implementa un proyecto piloto pa sigura cu tur hende por expresa nan mes na Ingles, Hulandes of Papiamentu durante e audiencia pa medio di e asina yama proyecto di Tolkien. El a agrega cu tambe nan ta publica mas y mas veredicto online.

Pa loke ta trata "Caribisacion", presidente di Corte a indica cu nan ta keda compromete pa contrata mas hues y personal di region Caribe cu nan tin reto pa atrae.

Pa e ultimo dos aña a bolbe recluta radionan nobo cu lo cuminsa cu nan opleiding pa bira hues of fiscal publico na 2025. Papiando di formacion, el a splica cu hues y empleadonan ta sigui cursonan



di training pa medio di e Academia di Corte pa mantene e calidad di e profesion halto y asina na 2024 a organisa dos biaha e siman di conocemento tocante esaki.

Pa loke ta trata e casonan, Sr. De Kort a indica cu den 2024, Corte a trata mas cu 34 mil caso den prome instancia y den apelacion cerca di 1.200 caso.

Director di Operacion Sr. Luttge a duna un splicacion tocante e resultado y situacion financiero di Corte pa aña 2024. Pa loke ta e financiamiento di Corte, el a splica cu Corte ta ser financia pa Aruba, Curacao y Sint Maarten, y pa Boneiro, Sint Eustatius y Saba pa Hulanda.

Den corto, el a remarca, e acuerdo ta cu cada pais ta paga pa e cantidad di demandan cu ta ser presenta.

El a splica cu por ehempel

Corsou y Aruba ta paga mas cu Sint Maarten y Hulanda pasobra aki tin establecimentonan grandi y cu mas caso.

Sr. Luttge a sigui splica cu e prijs cu ta ser cobra pa e diferente caso ta ser yama 'kostprijs'. E 'kostprijs' aki ta ser calcula segun ley y pa un periodo di tres aña cada biaha.

E periodo aki tambe ta ser determina pa ley. E periodo actual tabata di 2023 pa 2025. Manera cu ya caba Sr. Luttge a indica aña pasa, pa e añanan 2023 y 2024, en conexion cu e posicion financiero dificil di e paisnan como consecuencia di e impacto di e pandemia di covid, a bay di acuerdo pa no usa e 'kostprijs' aki.

En bes di esey, a bay di acuerdo pa limita e presupuesto na nivel di presupuesto di aña 2022. Esaki ta nifica cu nan a usa pa e presupuesto di 2024 un 'kostprijs' cu a ser calcula caba na 2020.

Pa loke ta trata e resultado financiero pa 2024 y un revision breve di e situacion financiero di Corte, Sr. Luttge a splica cu ora di traha e presupuesto pa 2024, a reconoce caba cu e aumento continuo di prijs di salario lo tin un impacto structural riba e posicion financiero di Corte.

El a sigui splica cu pa e motibo ey ora di traha e presupuesto 2024 ya a asumi un saldo negativo di 941.000 florin. E cuentanan anual pa 2024 a ser cera na final cu un resultado negativo di 1.158.000 florin.

El a indica cu e diferencia negativo mas aleu ta debi principalmente na amentonan di prijs mas halto cu loke a spera.

Den terminonan amplio, Sr. Luttge a subraya, nan ta mira un distincion den gastonan di personal, incluyendo va-

caturanan habri.

Na mesun momento, el a agrega, tin un exceso riba gastonan di exportacion. Esaki por ser splica parcialmente door di gastonan cu a aumentu significativamente den, por ehempel, gasto di ticket y estadia pa biahenan esencial entre e islanan.

Tambe a papia di cifranan mas halto cu loke a spera den gastonan pa entrada y salida di personal. Y por ultimo e gastonan pa software y su maneho tambe a resulta di ta mas halto cu loke a spera.

Pa loke ta trata e situacion financiero di Corte, Sr. Luttge a splica cu nan ta usa e fondo di reserva general cual ainda ta un preocupacion grandi.

El a sigui splica cu no solamente nan ta mira cu gastonan di exportacion ta aumentando debi na mas di e desaroyonan di salario y prijs menciona, pero Corte tambe den e ultimo añanan a ser forsa pa pospone inversionnan y desaroyonan necesario.

Esakinan, el a menciona, ta por ehempel inversionnan den formacion, estructura di salario y funcion, pero tambe den actualisa ICT. Sr. Luttge a remarca cu tur e inversionnan aki ta necesario y lo bin Corte den futuro cercano, pasobra pospone e inversionnan aki no ta sostenibel.

El a indica cu tur esaki ta inclui den e calculacion di e prijs di gasto nobo pa e periodo di 2026 pa 2028 y ta inclui como tal den e presupuesto provisional pa 2026.

Finalizando, presidente di Corte Sr. De Kort a subraya cu e Corte tin retonan, pero ta sigui traha riba proceduranan mas lihe, teamnan mas fuerte, mas envolvimiento local y internacional y un cooperacion cu e cuater pais den Reino.

"Solamente hunto nos por mantene e poder hudicial fuerte y confiabel pa un y tur," el a enfatisa.

Pa informacion detaya di desaroyonan importante den 2024 relaciona especificamente cu Corte di Aruba, lesa esaki den nos siguiente edicion di Bon Dia Aruba.

Dentista Hendrik Marsman ta trece dilanti su preocupacion tocante universidad di dentista cu ta dañando nomber di Aruba

Durante su conferencia di prensa recién dentista dr. Hendrik Marsman a trece dilanti algun punto di preocupacion relaciona cu e sector di cuidu dental na Aruba. Un di e puntonan aki ta tin di haber cu operacion di un universidad di medicina y dentista, cu segun Marsman, ta dañando nomber di Aruba.

“Esey ta un neishi di problema. Supuestamente e ta un estudio di dentista, pero ami cu a studia na Hulanda, mi sa kico ta un curriculum di un estudio di dentista y loke tin eyan ta crackerjack opleiding,” el a expresa.

Segun dentista Marsman ta indica na e universidad en cuestion tin dentista ta traha cu a bin for di India, a haya permiso di DIMAS pa traha como profesor pa duna les, pero nan ta traha den boca di pashent y nan no tin AruBIG. El a indica cu nan lo a aplica pa AruBIG, pero no a hayele pasobra e diploma cu nan tin nan no por traha cune na Aruba.

Segun el a conta e dentista cu ta traha na e universidad a trata un pashent, a cobrle y despues a sali un email anonimo pa Instituto di Calidad cu a termina na un bishita pa informa e dentista aki cu e por traha den boca di pashent y a stop cu esey.

Dentista Marsman a agrega cu segun el a compronde aworaki nan a contrata un negociante Arubiano cu ta emplea dentista. El a indica cu e negociante aki a emplea un dentista di Colombia y ta



huur un parti di e universidad pa trata pashent. Dokter Marsman a remarca cu loke ta preocupante p’e ta cu Inspectie Volksgezondheid ta exigi cu dokternan mester mantene den secreto e dossier di pashentnan cu tin datos personal, pero segun rumornan cu a yega cerca dje, e hendenan di e fundacion cu ta den directiva tin acceso na e dossier di e pashentnan pa wak kico ta ser haci y kico ta ser paga pasobra nan ta cobra comision pa esey pasobra nan ta duna e inversionista Arubiano e espacio pa wak pashent eyan.

“Tur dia 15 di luna ami tin cu paga omzetbelasting, mi tin cu paga mi AOV etc. Nos tur

na Aruba, nos ta keha hopi cu nos tin cu pag’e, pero eyan ta free for all. Bo ta haya profesornan ta bin traha, nan no tin cuenta di banco y ta ser paga cash. Despues di 12 luna nan ta bay y mi ta puntra mi mes con nan ta haya e placa cash ey, con esey ta bay cu banco y ken ta paga e cosnan ey pasobra si tin opgaaf di tercero, ya nan a bay. Ken ta paga esey pasobra nos tur tin cu paga nos parti. Mi kier pa DIMP bay check kico ta pasando eyan, cu AZV y SVB,” el a remarca.

Di otro banda tin un parti cu ta mas tristo. Dentista Marsman a indica cu e universidad ta cobra 60 mil dollar pa aña pa e studiantenan sigui e es-



tudio eyan, y ta un estudio di cinco aña. Pues semester uno ta costa 19.500 dollar, semester dos igual y semester tambe.

El a splica cu algun estudiante di e universidad a manda email pa diferente instancia reclamando cu nan a ricibi carta di e universidad bisando cu nan no lo por participa den nan examen final di e semester cu nan ta den si nan no paga prome e suma di e siguiente semester. Pues si nan no paga adelanta, nan no por participa den examen.

Esaki, segun dentista Marsman por ser mira como cu e studiantenan ta secuestra y ta ser “blackmailed” pa e universidad, y pa motibo di esaki algun estudiante a haya stress y bandona e estudio.

Pa loke ta trata e parti practico di e estudio na unda e estudiante tin cu siña ranca djente, bora djente, pone vulling, siña tur e materialnan, el a indica cu mester di un luga caminda e studiantenan por train y mester tin supervision. E

sey no tin na Aruba pa e studiantenan di e universidad aki, segun el a indica. El a menciona cu nan a purba haya e clinica di Aruba pero no a bay bon, despues a purba cu Universidad del Bosque na Colombia, pero no a logra tampoco.

El a indica cu segun e por a compronde aworaki nan lo ta bezig ta check algo na Africa pa manda e studiantenan. “Mi pregunta ta si nan ta bin di Canada, dicen nan no ta hacie na Canada. Kico ta e problema eyan? Pasobra nan no ta acredita niun caminda, e diploma aki no ta acredita niun caminda y Aruba tampoco ta reconoce,” el a

remarca.

Pero loke si tin na Aruba, el a agrega, ta un carta di minister di Salud cu ta bisa cu ora hende tin e diploma di e universidad aki nan por tuma e boardexamen na Merca of Canada y si pasa esey nan por traha na Aruba como dentista. “Mi ta duda cu e estudio y curriculum cu nan tin, nan lo pasa e examen ey den futuro,” el a subraya.

Dentista Marsman a expresa cu e situacion aki ta dunando Aruba un mal nomber y cu ademas nan ta haci hopi cos cu no mag. Segun el a indica e universidad ta bisa Douanne cu e carganan cu ta bin pa nan ta donacion y asina no ta paga invoerrecchten. El a haci un yamada pa investiga si e rumornan aki ta cuadra y cu nan ta importa cosnan como donacion.

“Mi ta haya hopi straño con hendenan di afo ta bin Aruba haci negoshi, keda sin paga e primanan social, y cu nan ta importa cos sin paga invoerrecchten. Pero mi ta kere mester bin investigacion di Douanne, di DIMP, y Inspectie mester wak e dentista sin permiso sin AruBIG y Dienst Onderwijs mester cera e universidad pasobra e ta malo pa nomber di Aruba y nan ta estafa e studiantenan sigu mi pasobra no tin niun estudio clinico,” el a bisa.

El a indica, refiriendo na e carta cu studiantenan a manda, cu den e carta aki e studiantenan ta splica cu nan no ta hayando nada di loke nan a ser priminti. Nan a ricibi hopi promesa di e universidad, pero nada no ta pasando. “Esaki no ta bon pa Aruba. Nos ta hiba Aruba na halto y hendenan aki ta bin di afo y haci baina akinan,” el a finalisa.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Stichting Rancho Aruba National Trust ta preparando pa representa Aruba na Global Sustainable Summit 2025

Ayera mainta durante un conferencia di prensa presidente di Stichting Rancho, Sr. Clifford Rosa, a anuncia cu Stichting Rancho awor lo carga e slogan di Aruba National Trust y ta den preparacion pa representa Aruba na e Global Sustainable Summit 2025 na St. Kitts and Nevis. E evento internacional aki ta reuni lider di islanan for di tur parti di mundo pa comparti solucion innovativo riba desaroyo sostenibel, resiliencia climatico y preservacion di herencia cultural.

Rosa a splica cu dia 20 april Stichting Rancho a cumpli 15 aña di existencia y en conexion cu esaki a anuncia ayera mainta un di e prome proyectonan di e fundacion den su bachi nobo. El a splica cu danki na e International Trust Organizations nan lo atende Global Sustainable Island Summit cu lo tuma luga na St. Kitts & Nevis for di 25 di mei pa 30 di mei.

E cumbre ta reuni gobernante, organisacionnan no gubernamental, academia y e sector priva pa intercambia conocimiento, strategia y instrumento cu ta adapta pa e desafionan unico cu islanan ta enfrenta. Pa Aruba y e region Hulandes, e cumbre aki ta un oportunidad esencial pa alsa nan vos den e dialogo global y sigura cu e solucionnan ta basa riba e realidadnan y historia di Aruba.



toria di Aruba.

Rosa a sigui splica cu den e proceso aki nan kier educa nan mes tambe un tiki mas riba kico ta e desaroyo cu tin di haber cu innovacion di islanan, pero tambe tur e retonan cu como isla Aruba ta confronta mirando e tematicanan global, den e caso tematica di cambio climatico y tur e otro presionnan cu tin riba e herencia cultural, material y inmaterial.

Cambio climatico, aumento di temperatura, y presion social-cultural manera Americanisacion, Eurocentrismo y un sistema di educacion

cu ta duna prioridad na narrativa Europeo ta menasa e identidad y sostenibilidad di e pueblo. Herencia no ta solamente edificio colonial, pero tambe tradicion oral, tecnicanan di pesca y sembra, paisahe natural y memoria colectivo.

Presidente di Stichting Rancho a indica cu como Aruba National Trust nan kier bay den un direccion cu ta bon pa integra tur cos den un solo pakete y asina educa e comunidad, y tambe e mandatarionan. El a splica cu tin hopi acuerdo internacional cu ta ser haci, pero e implementacion of ehecuacion di hopi di e proyectonan aki no ta sigui y esey tambe un aspecto cu nan ta confronta y ta un punto cu nan kier atende cune tambe.

“P’esey nos ta haci un yamado, nos ta pidi comunidad pa e atencion pa mira e importancia pa atende cu nos herencia cultural y natural den un forma mas structural,” el a remarca.

El a sigui splica cu nan lo enfoca pa personanan riba e isla y lo ta algo general teniendo na cuenta tur e diferente personanan cu ta bibando riba e isla aworaki cu falta conocimiento di biba riba un isla.

El a agrega cu en realidad e conocimiento cu ya den parti a ser perdi tin di haber cu e herencia y esey ta locual mester educa e ciudadanonan di Aruba mes, bishitantenan y tambe esnan cu ta bin pa traha of pa biba y traha den e materia cu Aruba expone su mes p’e, cu ta turismo, pa

tin un balans a hinca den tur esaki.

“Nos a haya nos mes confronta cu diferente tema pa desaroyonan den Rancho y esey nos ta bisa cu a crece y nos por a mira con e mesun problema por afecta e isla completo, mirando e diferencia di desaroyonan cu nos a haya nos mes den dje y tambe e presion cu tin riba dje tambe y p’esey nos ta para hopi fuerte pa nos naturalesa y nos herencia y con pa conserva y preserva parti di e herencia,” Rosa a subraya.

Durante e cumbre di 2025, Aruba National Trust tin como meta pa aporta na representacion mas amplio di e islanan di Reino Hulandes y lo co-organisa un evento tematico hunto cu e red global di National Trusts (INTO). E evento aki lo explora con herencia por ser combina cu strategia climatico y economico, modificando modelonan existente manera ‘Sclavitud Hulandes’, Pan-Africano y tambe modelo Indigena riba maneho di tereno y conocimiento ancestral.

Como preparacion pa e cumbre, Aruba National Trust lo organisa un serie di ‘Encuentronan di Integracion’. Esakinan no ta simplemente consultacion, nan ta un yamada pa traha hunto. Aruba National Trust ta desea reuni comunidannan di tur origen, departamento gubernamental, organizacion cultural y cargadornan di conocimiento pa forma un modelo di herencia mas inclusivo pa Aruba.



A pesar cu prijs di gasolin a baha na maart, e impacto tabata insignificante

Recientemente, Oficina Central di Estadistica, CBS a publica e CPI pa luna di maart ultimo. Den esaki, a informa riba e cambio di prijs di petroleo, utilidad, gasolin y diesel na Maart 2025.

Prijs di utilidad (electricidad y awa), gasolin y diesel ta determina primordialmente door di e prijs internacional di petroleo. Na Maart 2025 e prijs promedio pa bari di petroleo (US\$ 68.06) a conoce un caida di US\$ 3.50

(-4.9%) compara cu Februari 2025 (US\$ 71.56).

Prijs di electricidad y di awa no a cambia compara cu Februari 2025. Consecuentemente, e prijs promedio di electricidad pa vivienda a keda Afl. 263.67, mientras cu e prijs promedio di awa pa vivienda a keda Afl. 168.73.

Prijs di gasolin a registra un caida di Afl. 0.70 cen (-0.3%) na Maart 2025 y a causa un efecto di -0.01 ppt riba e CPI. Prijs di diesel a registra un

caida di Afl. 2.10 cet (-1.0%) na Maart 2025 y a causa un efecto insignificante riba e CPI.

Na Maart 2025, utilidad, gasolin y diesel como grupo, tabatin un caida den prijs di 0.1% compara cu Februari 2025 y hunto tabatin un influencia di -0.02 ppt riba e CPI, mientras cu e restante 404 bienes y servicio hunto, a conoce un subida di prijs di 0.5% y tabatin un efecto di 0.40 ppt riba e CPI.

Tabel 9 Efecto di bienes y servicionan cu ta depende di prijs di petroleo riba e CPI di Maart 2025

Categoria	Peso	Mensual		Anual	
		Feb-25 vs Mar-25	Efecto	Mar-24 vs Mar-25	Efecto
Electricidad	810.2	0.0	0.00	-4.0	-0.30
Gasolin	430.5	-0.3	-0.01	-5.7	-0.27
Awa	367.3	0.0	0.00	0.0	0.00
Diesel	30.2	-1.0	0.00	-8.6	-0.03
Total di grupo	1,638.1	-0.1	-0.02	-3.6	-0.61
Restante bienes y servicio	8,361.9	0.5	0.40	0.9	0.73
CPI	10,000.0	0.4	0.38	0.1	0.12

Source: Central Bureau of Statistics Aruba

Presidente di AVB suspendi pa problema cu impuesto

Aruba Voetbal Bond (AVB) a suspende su presidente, Sr. Randolph Lacle, inmediatamente. Segun un carta cu a circula riba rednan social ayera, tabatin varios punto pakico e federacion a tuma e decision di suspende su presidente.

E carta, firma pa vice-presidente Jomar Boekhoudt y secretario general, Achmed Nunes, ta menciona cu e federacion a tuma e decision pa suspende Sr. Randolph Lacle inmediatamente di su debernan como presidente di AVB di acuerdo cu Artículo 13 paragraf 7 y conhuntito cu Artículo 37 y Artículo 38 di HHR (regla y regulacion interno).

Tambe a menciona cu ta bay cuminsa un investigacion interno riba asuntonan di AVB, e situacion fiscal y e conducta di e presidente den esakinan. Basa riba e resultado di e investigacion, ta bay convoca un reunion general di miembro di AVB, durante cual ta bay evalua e suspension y lo por discuti medidanan adicional.

E carta ta resumi e mal conducta di cual ta acusa e presidente como lo siguiente:

1. E presidente tabata negligente y no a paga impuesto debi riba payroll y e premienan social den nomber di AVB;
2. Como resultado, AVB a ricibi un dwangbevel (exigencia di pago) for di Departamento di Impuesto;
3. E presidente a sconde e existencia di e dwangbevel aki for di bestuur di e federacion;
4. Dia 28 di maart 2025, mayoria di miembro di bestuur explicitamente a autorisa e Secretario General pa tuma contacto cu DC Tax & Ac-



counting pa obtene mas informacion tocante e dwangbevel. A pesar di esaki, e presidente a ignora e decision aki, y contrario na instruccion di e bestuur, personalmente a bay DC Tax den nomber di AVB;

5. E presidente e ora a duna instruccion na DC Tax explicitamente pa no comparti ningun informacion cu e Secretario General relaciona cu e situacion financiero di AVB, minando asina seriamente e confiansa den e Secretario General;

6. Dia 21 di september 2024, e presidente a manda un carta titula "Finanzas di AVB" na miembronan di AVB, den cual el a declara – den nomber di bestuur – cu AVB tabata al dia cu su obligacionnan na DIMP. Sinembargo, esaki no tabata cuadra cu berdad mirando e existencia di e dwangbevel, y por constitui falsedad por escrito;

7. E conducta aki ta den conflicto serio cu e interesnan di AVB y fundamentalmente ta mina confiansa den e presidencia.

Basa riba e puntonan aki, ta conclui cu e presidente a faya seriamente den su debernan bao Artículo 38 sub b, f y i di e HHR; y cu suspension ta necesario pa protege e interesnan di AVB y pa preveni mas daño na e federacion.

Di manera indirecto, Sr. Lacle a rechasa e acusacionnan mediante un post riba su pagina di Facebook, compartiendo un imagen cu e palabranan: "No hay almohada mas comoda que una consciencia tranquila."

Mas investigacion den mundo di deporte

Riba e mesun dia cu e noticia aki a cuminsa circula, minister di Deporte, Gerlien Croes a anuncia cu ta bay haci un auditoria na Fundacion Facilidatnan Deportivo, FFD.

Dialuna mainta den un rueda di prensa, Croes a informa di varios situacion y reto cu a bin encontra den e area di deporte. Manera palabra den e acuerdo di gobernacion, lo haci un inventarisacion di e

desaroyonan den e ultimo añanan y alabes di e situacion actual, a bin encontra documentonan y indicacion cu mester haci un inventarisacion debido den diferente fundacion.

For di un documento cu a ser obteni di año 2018, crea pa e compania PWC, por a saca afo cu desde e tempo ey caba tabata tin indicacion cu tin necesidad urgente pa haci cambio den maneho, inventarisacion financiero, situacionnan di personal den e fundacion, cu nunca a wordo haci.

Desde 2018 pa awor, diferente otro situacionnan a presenta den diferente di e fundacionnan cu mester di atencion serio.

Segun un comunicado di gobierno, gabinete AVP-Futuro a priminti "Good Governance" y esey ta conta tambe pa fundacionnan cu ta mancha finanzas den deporte. Varios di e fundacionnan aki ta ricibi subsidio di Gobi-

erno di Aruba y mester tin transparencia y claridad si e fondonan aki ta wordo aloca debidamente pa asina logra e metanan stipula.

Banda di e retonan conoci manera e situacion na Simeon Antonio, tambe tin reto na Compleho Deportivo Frans Figaroa, unda cu e veld no ta apto pa e weganan tuma luga riba e tereno. Joe Laveist tambe ta actualmente cera. Despues di a identifica mas reto, a encontra suficiente motibo pa inicia cu un auditoria pa locual ta e maneho di e fundacion F.F.D.

E mandatario a sigui bisa cu mas informacion y detaye lo ser comparti den tur transparencia asina cu e rapportnan keda cla. "Cada florin cu e Gobierno aki ta saca for di su caha, ta un florin di e pueblo aki y na final di dia lo cual cu nos ta destina pa comunidad mester wordo destina debidamente, pero tambe e mester verifica si ta logrando su meta".

Den cuadro di esaki ta comunica na comunidad cu e inventarisacion a inicia y ta lidera door di C.A.D. cu mas partner pa asina trata pa accelera e proceso y pa haya un bista cla di tur e desaroyonan di e ultimo añanan den e fundacion menciona.

Minister Croes a termina bisando cu tin hopi mas desaroyo cu lo wordo comparti cu pueblo den e simannan binidero y ta su deber pa informa comunidad di tur lo cual a bin ta encontra. "Mester busca solucion. Pa busca solucion, bo mester tin un bista cla di con e situacion ta di berdad y a base di esey e inventarisacion a inicia den FFD".

Merca: Critico di industria di medicina y medidanan di COVID-19 lo lidera e programa di vacunacion di FDA

(AP)—Dr. Vinay Prasad, un critico prominente di e industria farmaceutico y e Food and Drug Administration (FDA), a ser nombra pa ta encarga di e programa di vacunacion y medicina biotecnologico di e agencia.

Comisario di FDA Dr. Marty Makary a anuncia e apuntamiento diamars den un mensahe pa personal di e agencia, gabando e “historia largo y distinguido” di Prasad den medicina. Prasad ta e figura mas recien den un serie di contratario y criticonan di e medidanan di COVID-19 pa uni cu e gobiernu federal bao presidente Donald Trump.

Al contrario cu rolnan politico manera comisario di FDA, e puesto nobo di Prasad tradicionalmente tabata duna na un científico di FDA. Su apuntamiento a trece algun pregunta tocante si vacuna y otro terapianan nobo lo enfrenta critico innecesario for di reguladornan.

Prasad ta reemplaza Dr. Peter Marks, e hefe di vacuna na FDA cu a retira na maart despues di un conflicto cu secretario di Salud Robert F. Kennedy Jr. tocante preocupacionnan di seguridad di vacuna.

Den un publicacion riba red social, Prasad a compara Marks na un “un pochi bobblehead cu ta stempel aprobacion.”

Aña pasa, el a conta ex-candidato presidencial di e partido Republicano, Vivek Ramaswamy, cu Mericanonan lo keda miho para sin



e FDA den su organisacion actual. “Si bo ta papiando di FDA 2024, mi ta kere nan lo keda miho para si no tabatin e FDA,” Prasad a bisa durante un aparencia riba e podcast di Ramaswamy.

Un profesor na University of California San Francisco, e entrenamiento medico di Prasad ta den cancer y malesanan di sanger. El a yega na prominencia entre academiconan pa un serie di rapport criticando e evidencia tras di e terapianan nobo di cancer.

Investigacion pa Prasad y su coleganan a mostra cu hopi medicina di cancer aproba pa e FDA nunca a ser prueba di mehora of extende bida di pashent. Na su luga, e medicina ta haya aprobacion a base di medidanan alternativa, manera e habilidad pa haci tumornan mas chikito, cual a kere lo pronostica nan benefician den largo plaso. E FDA a defende e practica aki como un manera di accelera aprobacion di medicina pa pashentnan cu ta extremamente malo.

Durante e pandemia di COVID-19, Prasad a alcanza un

audiencia mas grandi como un critico di e mandatonan di tapaboca, toque de queda y medidanan pa accelera e disponibilidad di boosters for di Pfizer y Moderna. Gran parti di su perspectiva ta refleha esnan di e apuntadonan di

Trump, incluyendo Makary y e director di e National Institutes of Health, Jay Bhattacharya.

Na 2022, Prasad y Makary tabata co-autor di un rapport atacando e recomendacion pa vacuna di booster den adolescente y adultonan hoben, particularmente hende homber. E pashentnan ey a ricibi atencion particular pasobra vacunacion mas trempan a mostra un grado halto di miocarditis, un forma incomun di inflamacion di curason cu usualmente ta leve.

E rapport a conclui cu pa rekeri vacunacion di booster entre hobennan adulto lo causa mas daño cu beneficio. Ningun di e autornan a specialisa den estudio di malesa

infeccioso of reaccion di vacuna, pues esaki a causa critica for di hopi expertonan di salud.

Den e ultimo añanan, Prasad a bira un figura regular riba podcastnan asocia cu e movimiento di Kennedy pa “Haci Merca Saludable Atrobe,” cual frecuentemente ta pinta e FDA como un agencia cu ta debe gradicimento na e industria farmaceutico.

E apuntamiento di Prasad lo probablemente alarma fabricantenan di medicina y vacuna, ken ta depende riba e previcibilidad di e standard y proceduranan di FDA pa guia plannan di desaroyamento di medicina cu por dura años y decadas.



LUNA DI LOCURA

CUMpra 2 ^{LOTTO 5} Y HAY 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 2 TE CU 31 DI MEI

Pa mas informacion bishita lottoaruba.com of yama Lotto na 525-7555 of bishita nos oficina situa na Paardenbaaistraat #10, Oranjestad.

www.lottoaruba.com

Corsou: Kimico descubri den area proteha di Boka Sami

(Curacao.nu)– A haya un kimico dañino den e tera di e reserva natural proteha na altura di Libu, Boka Sami. Esaki ta bisto for di investigacion di suela cu e activista ambiental Ryan de Jongh a realisa riba su propio iniciativa. Di acuerdo cu e rapport di laboratorio, no a haya azeta, pero a haya tributil fosfato (TBP), un solvente sintético cu ta ser usa den procesonan industrial manera extraccion di metal y produccion di plastic. Laboratorio di ADC ta conclui cu por tin contaminacion di tera.



yama e descubrimiento serio: “E no por ta azeta, pero e ta algo cu absolutamente no ta pertenece aki.”

E area cerca di Libu ta conoci como un criadero di parha y un habitat pa mangelnan y ta forma parti di un reserva natural proteha internacionalmente bao di e Convenio di RAMSAR. De Jongh ta

Di acuerdo cu e Agencia di Kimica Europeo, tributil fosfato, abrevia como TBP, ta dañino si e ser ingeri, iritante pa e cuero y peligroso pa e ambiente acuatico pa temporada largo. E substancia ta

kibra hopi poco poco y por keda den e tera pa añanan. De Jongh ta particularmente preocupado cu TBP por filtra den e awa di tera via awa di yobida. “Si esaki drenta den nos curpanan di awa, lo ta hopi mas dificil pa recupera,” el a bisa. Corsou parcialmente ta usa awa di tera pa agricultura y maneho di naturalesa.

Wake up call

De Jongh a adverti di posibel polucion for di januari caba, despues di a mira restonan di azeta den e area. Ministerio di Salubridad, Medio Ambiente y Naturalesa (GMN) a informa e tempo ey cu no a haya azeta despues di inspeccion visual, pero a dicidi di tuma muestranan di tera toch. E resultadonan di e investigacion oficial no a keda publica ainda. De Jongh awor a haci e resultadonan di su mes investigacion publico pa asina, e ta

bisa, crea conscientisacion. “Esaki no ta un acusacion,” e ta bisa. “Esaki ta un yamada di lantamento. Pa nos tur.”

Aunke no a haya azeta, De Jongh ta sospecha cu e contaminacion ta relaciona cu e refineria riba e isla. E ta señala cu Corsou no tin ningun otro industria pisa. Tuberianan ta core den e area banda di Boka Sami for di e area di refineria na Schottegat te na e terminal di azeta na Bullenbaai. E tuberianan aki ta parti di un infraestructura cu ta existi pa decadanan y cu anteriormente tabata ser maneha pa Refineria di Corsou (RDK), awor transforma den 2Bays.

Segun De Jongh, e polucion no ta algo nobo. E ta declara cu RDK ta na altura di e problema for di añanan 1970, y cu intencionan anterior pa limpia e area nunca no a ser

implementa completamente of sigui.

Director di 2Bays Patrick Newton a bisa den un contesta cu segun nan specialistanan di medio ambiente no tabatin ningun producto di petroleo envolvi y cu e substancianan haya no tabata relaciona cu actividadnan historico di 2Bays. E ta señala cu e tubonan cu ta core den e area a keda for di uso for di e era di Shell y actualmente ta contene solamente awa cu un agente anti-corosivo. Newton ta declara mas aleu cu e resultadonan di laboratorio di De Jongh ta confirma e conclusion aki y cu, na su conocimiento, no a haci intento di saneacion recien den e area. Tanto GMN como 2Bays ta wardando ainda riba e resultadonan oficial di e sondeo di suela for di e ministerio.

Nardy Cramm ta apela condena na Corsou, citando violacion di libertad di prensa

(CuraçaoChronicle) – Periodista investigativo, Nardy Cramm formalmente a apela su condena den e caso numera CUR2025H00032, bisando cu e veredicto den su contra ta viola e principianan di libertad di prensa y e derecho na un huicio husto.


E apelacion, entrega na Corte Comun di Husticia, ta define un serie di argumento legal y constitucional den su defensa, incluyendo supuesto fayonan procedural y prehuicio hudicial.

Anteriormente a condena Cramm di calumnia y difamacion pa un serie di articulo publica den Knipselkrant Curaçao, un plataforma di

noticia digital di cual e ta fundador. E articulonnan tabata critico di cierto figura publico y institucion na Corsou, loke a trece accion legal den su contra. Den e apelacion, Cramm ta argumenta cu su reportahe ta cay bao di alcance di deber periodistico den un sociedad democratico y mester ta protegi bao Artículo 10 di Convencion Europeo riba Derecho Humano, cu ta salvaguardia libertad di expresion.

E documento entrega na e corte ta resalta loke team legal di Cramm ta describi como “un persecucion criminal ilegal” y ta declara cu e proceduranan sigui den su huicio original no a cumpli cu e standardnan rekeri pa un audiencia imparcial. Specificamente e ta reta e obhetividad di hues Koenraad, kende a presidi riba e caso original y anteriormente a retira su mes di otro asuntonan involucrando Cramm pa motibo di duda riba imparcialidad.

Den su argumentonan complementario pa apelacion, Cramm tambe ta punta riba violacionnan di Constitucion di Reino Hulandes, argumentando cu prensa ta fungi como vigilante publico, sepecialmente ora di destapa acusacion di corrupcion di gobierno y mal maneho financiero. E ta insisti cu condena di corte no solo ta castiga e personalmente, sino tambe ta pone un precedente peligroso pa periodismo independiente na Corsou.



Su defensa ademas ta critica e veredicto pa faya den considera adecuadamente e veracidad di su publicacionnan, di cual hopi tabata basa riba documento oficial, procedura legal anterior y registro publico. Segun Cramm, e fuentenan aki ta substancia su reportahe y ta demostra su intencion pa informa publico

en bes di difama individualonan.


E caso a genera interes publico considerable, sepecialmente entre defensoran di libertad di expresion y independencia periodistico den Caribe. Ta spera un veredicto mas despues e aña aki.

Victima Hulandes a keda masha contento cu eliminacion di website di pornografia deepfake

(NLTimes) – Despues di presion persistente na Hulanda y Inglatera, MrDeepFakes, e website di porno deepfake mas grandi, a bay offline rond mundo. E website tabata contene video di porno falso di por lo menos 70 parlamentario y celebridad Hulandes. Varios di nan a bisa AD cu nan ta sumamente contento. Pornografia deepfake ta

encera edita cabes di hende muher riba imagennan pornografico existente usando inteligencia artificial. Por lo menos 20 parlamentario y celebridad Hulandes, incluyendo Olcay Gulsen y Hélène Hendriks, a presenta acusacionnan contra e plataforma na Hulanda. Ministerio Publico (OM) ta investigando.

MrDeepFakes bayendo scur ta un resultado directo di e



rapportnan entrega na Hulanda y otro paisnan, asina

Robert Hoving di e centro di experticio di privacidad Of-

fLimits a bisa e corant. Cu e eliminacion di MrDeepFakes, aproximadamente 55.000 video porno di deepfake a disparce. Mas cu 6 miyon hende tabata bishita e sitio pa luna, incluyendo 200.000 for di Hulanda. Un gran parti di e imagennan Hulandes a ser kita caba despues di varios peticion pa aplicacion di ley. Algun decena a keda ora e sitio a bira scur.



Cuminsando cu 4 florin, bo por gana e suma grandi aki

Afl. 420.000,-

Obtenibel na cualkier rebendado di Lotto.

sorteo ta awe noch 7:45 pm



Corte ta absolve dama di Steenwijk di a mata su yiu recien naci y deshaci di e curpa

(NLTimes) – Un dama di 20 aña di Steenwijk a keda absolve di a mata su yiu recien naci diamars door di corte na Overijssel. E curpa di e yiu recien naci a ser haya den un saco di sushi algun dia despues di e nacimiento. Tambe

el a keda absolve di acusacionnan relaciona cu deshaci di e curpa.

E tempo ey Christin van B. di 19 aña a duna luz den un camber den e cas di su mayornan durante oranan di anochi di 16 di augustus, conduciendo



na 17 di augustus, na un baby cu yama Angel. E ta pretende cu e no tabata na altura cu e tabata na estado. Aunke fiscal a bisa cu su buskedanan online a inclui “embaraso” y “parto na cas” den e dianan prome cu e parto.

No a keda determina con e baby a bin fayece. “Ta p’esey ta imposibel pa determina si tin un conexion entre e morto y posibel intencion di parti di e sospechoso,” corte a declara.

Polis Hulandes kier 5 pais yuda cu Cumbre di NATO; Defensa di drone ta cla

(NLTimes) – Polis Hulandes a pidi yudansa di cuerpo policial na Reino Uni, Alemania, España, Francia y Italia pa e Cumbre di NATO, asina Willem Woelders, kende ta liderando e operacion di polis, a bisa durante un previo di e Cumbre. E evento lo ta na Den Haag dia 24 y 25 di juni, y polis Hulandes a bisa cu nan lo ta desplegando 27.000 agente policial den y rond di e Cumbre.

E ayudo stranhero lo consisti di oficialnan cu cachonan di polis y ekiponan y aparatonan cu lo ser uza pa combati cu alkier posibel atake di drone, Woelders a bisa. Mayor general Wilfred Rietdijk a anuncia durante e previo cu e militarnan lo usa “instalacionnan anti -drone” pa stop avionnan sin tripulacion durante e cumbre. No a bisa unda lo pone e instalacionnan aki.

Hulanda a tuma hopi paso pa combati atakenan cu drone den e ultimo añanan, pero e no ta suficiente ainda pa e cumbre, asina Woelders a bisa. “Tin basta localidad cu bo kier control liber riba dje, y nos no tin e capacidad pa esey awor aki, y tampoco Defensa.”

Avionnan militar cu ta propiedad di estadonan miembro di NATO lo bula rond di Hulanda durante e cumbre pa asina detecta menasanan mas liher posibel. Forsa aereo Hulandes tin avionnan di guerra F35 y helicopternan Apache na stand by den caso cu nan ta necesario.

E espacio aereo riba Den Haag y e areanan rond tambe lo keda proteha pa misilnan moderno Patriot, cu ta ser

lanta pa Rotterdam y Valkenburg. Hulanda ainda tin tres di e misilnan aki despues di a haci donacion di varios na Ucrania. Armanan mas chikito y mas barata ta cla pa saca menasanan mas chikito manera drone, Rietdijk a bisa.

Segun e mayor general, Defensa por percura pa seguridad nacional casi sin apoyo di exterior. Sinembargo, NATO ta creando un ring di defensa mas amplio y adicional rond di Hulanda pa e cumbre cu barconan naval.

E conseho di e ciudad di Amsterdam ta anticipa cu lo tin suficiente despliegue di polis durante e cumbre pa tene e ciudad sigur. Alcalde di Amsterdam Femke Halsema a bisa esaki na number di e grupo di liderazgo di seguridad di e ciudad, cu ta inclui e hefe di polis y e Servicio di Ministerio Publico, despues cu e pregunta a ser haci pa miembro di conseho di ciudad Daan Wijnants di VVD.

“E cumbre di NATO lo tuma lugar na e Foro Mundial na Den Haag. E expectativa ta cu lo tin 8.000 hende presente na e cumbre. Te awor, ningun di e delegacionnan cu ta participa na e cumbre lo keda na Amsterdam. Tampoco no tin parti di e programa of ‘evento secundario’ planea na Amsterdam,” Halsema a bisa.

E alcalde a bisa cu e ciudad ta trahando riba cierto scenarionan. Un di nan ta manifestacion eventual den e ciudad durante e tempo ey. “Na e momentonan aki, tin dos manifestacion na escala chikito cu ta registra pa ser teni na Amsterdam durante e Cumbre di NATO. Polis ta vigila e manifestacionnan



registra y no registra continuamente. Nan lo, manera ta normalmente e caso, ser husga riba nan propio meritonan.”

Wijnants a bisa cu el a haci e pregunta pasobra tin señalnan cu gruponan activista lo usa e capacidad policial reduci pa manifesta na Amsterdam durante e cumbre.

E lama na Scheveningen probablemente lo keda habri durante e cumbre di NATO. E lama a ser cera durante e ultimo cumbre na Den Haag na 2014. E decision aki a ser informa pa e Coordinador Nacional pa Seguridad y Contraterorismo (NCTV).

Aunke esaki kizas no ta e caso pa e lama na Noordwijk. Presidente di Merca Donald Trump lo ta kedando na Noordwijk si e dicidi di bin e cumbre. Tambe tabatin informenan recien cu e presidente di Merca por dicidi di no asisti na e cumbre.

Si e presidente di Merca dicidi di asisti, e ora ey por cera partinan di lama na Noordwijk. E media Aleman Der Spiegel a informa cu Trump por nenga di bin si e estadonan miembro di NATO no hisa nan contribucion na Defensa na cinco porciento di nan economia.

Segun e sospechoso, e baby a muri poco despues di e parto, y despues el a hinc e curpa den un saco di sushi y a sconde esaki den un maleta. Van B. a cay flauw poco despues di e parto, un parto cu el a haci den silencio y cu uso di internet. Ora cu el a bolbe na tino, el a mira cu e baby no tabata hala rosea y no tabatin pulso. Aunke un investigacion di Instituto Forensico di Hulanda a proba cu e baby tabata na bida despues di e parto, Corte no por desmenti cu e mucha a fayece caba na e momento ey.

E sospechoso tabata sa cu su mama tabatin mester di e maleta, cu tabatin e restonan di e baby dos dia despues cu e parto a tuma lugar. El a saca e saco di plastic for di e maleta y a warda esaki bao di e lessenaar den su camber. Van B. tabata sa cu su mama tambe tabatin acceso na e camber aki. Segun corte, esaki no ta indica cu e morto a ser scondi door di deshaci di e curpa.

Un total di 40 luna di prison a ser recomenda como castigo pa fiscal. Van B. no tabata presente na e audiencia.



TRABOU DI MANTENCION RIBA LIÑA DI DISTRIBUCION CUNUCU ABAO
Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 8 di mei 2025
8:00 AM te cu 4:00 PM

Den vecindario di:

- Cunucu Abao (un parti)
- Bubali (un parti)
- Caya Musica (un parti)
- Danza (un parti)
- Hato (un parti)
- Pos Abao (un parti)
- Tanki Flip (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.



Colombia: Presidente ta acusa congresista Mericano di lidera reunion pa sak'e di poder

(infobae) – Presidente Colombiano, Gustavo Petro, a referi na un carta nobo publica pa ex-canciyer Alvaro Leyva Duran, den cual e ta continua acusando e presidente di tin un problema grave di “adiccion” di droga.

Durante un evento celebra ayera na Plaza de Bolivar di Bogota, Petro a señala e motibonan pakico, segun e, su ex-canciyer a skirbi e carta recien, cu ta continuacion di un carta inicial publica algun siman atras.

“E ta buscando congresistanan di Comision di Acusacion pa nan baha e presidente pa e hechonan mentiroso ey cu el a pone den e carta, y ta reuni cu otro Colombianonan pa esey. E plan ta coordina, desespera pasobra ya nan no a logra, danki na sentencia di Corte Constitucional, di



baha e presidente pa e financiamentonan di campaña,” el a bisa.

Di otro banda, el a señala Mario Diaz-Balart, miembro di Camara di Representante di Merca, di ta esun cu ta orkestra e reunionnan pa e supues-

to plan cu ta busca sak'e for di poder.

“Boso sa ken ta dirigi e reunionnan? No ta un Colombiano, ta e senador di Merca, Diaz-Balart, di derecha extremo (...) Mi no ta critica e gobierno actual di Merca pasobra mi ta kere cu no ta, mi



ta spera mi no ta kiboca, ta e derecho extremo Mericano, e mesun cu a mata John F. Kennedy,” el a señala.

Petro a acusa Diaz-Balart como “e hefe” di e plan, argumentando cu loke ta busca ta pa “usa Congreso pa baha e

presidente.”

“Si esey pasa, mester rementa e revolucion Colombiano pasobra ta un noticia falso di e Nazinan na Merca y mi ta denuncie (...) No ta pasobra mi ta anti-gringo, mi no ta anti-gringo,” el a agrega.

E declaracion a bira conoci algun ora despues cu ex-canciyer Leyva a publica un carta nobo contra Petro, den cual a haci señalamentonan grave tocante supuesto comportamentonan cu e mandatario tabatin durante su biahenan.

Den e carta, Leyva a sostene cu e desaparicion di e hefe di estado durante un biahe oficial na Paris no tabata un hecho isola, sino “un reiteracion di su conducta cu ta pone den evidencia, un biaha mas, e gravedad di su condicion.”

Peru: Salario nobo di Dina Boluarte ta ilegal Suma di mas di 35mil sol ta mas cu e limite fiha den ley

(infobae) – No a solamente cuestionamentonan etico cu a ser genera pa e pretension di presidente Dina Boluarte di aumenta su salario memey di investigacion fiscal y e ola di inseguridad ciudadano agrava pa e masacre di 13 trahador minero na Patate. E propuesta pa aumenta e salario di e hefe di estado pa 35.568 soles lo ta ilegal, segun abogado constitucionalista Beatriz Ramirez a adverti.

Ta resulta cu e suma ta contra e Ley 28212 cu ta regula e ingreso di e Alto Funcionarianan Autoridad di Estado. Maske e articulo 4 di e ley en cuestion ta reconoce cu “presidente di e Republica tin e salario mas halto den servicio di e Nacion,” den e mesun parti ta establece cu e salario “no lo ta mayor na 10 URSP” (Unidad Remunerativo di Sector Publico.) Pa 2025, URSP ta aumenta na 2.600 soles, segun e propio gobierno di Dina Boluarte a establece a traves di e decreto supremo 087-2024-PCM.

E informe di Ministerio di Economia y Finanzas cu ta propone fiha e salario di Dina Boluarte na 35.568 soles, revela pa Panorama y na cual



Infobae a haya acceso, no ta tene cuenta cu e limite fiha den Ley 28212.

E texto si ta menciona e norma, pero ta haci referencia solamente na e prome parti di articulo 2, unda ta decreta cu “presidente di e Republica tin e remuneracion mas halto den servicio di e nacion.”

Den ningun parti di e informe di 21 pagina ta aborda cu, maske e ley ta ubica e hefe di Estado como e autoridad miho paga, e mesun ley ta determina e suma maximo cu e

alto funcionario aki por gana.

Segun Infobae por a confirma, e articulo menciona no a keda deroga, ni explicita ni implicitamente, pa un ley emiti cu posterioridad.

Segun Panorama a informa, e informe a keda solicita directamente pa premier Gustavo Adrianzen, kende a encarga MEF e elaboracion di un analisis tecnico cu ta hustifica e aumento.

E informe ta argumenta cu e calculo nobo di salario no ta responde na criterionan arbitrario, sino formulanan tecnico cu ta considera tanto e salario nacional como comparacionnan internacional. E argumento principal presenta pa e presidencia pa sostene e aumento ta cu e mandatario ta percibi anualmente un salario mas abao cu varios di su ministernan y mayoria di presidente di Latino America. E hecho aki, segun e informe di MEF, ta hustifica e necesidad pa ahusta e pago presidencial pa ekipa e presidente cu standardnan regional.

No obstante, e propuesta a ricibi critica, specialmente pa e momento den cual ta present'e, marca pa un inseguridad ciudadano creciente, y un gestion gubernamental cu ta enfrente nivelnan halto di desconfiansa.

E informe tecnico, elabora di manera expreso, ta detaya cu e aumento di salario ta basa riba formulanan cu ta combina datonan nacional y internacional. A pesar di esaki, e contexto nacional a converti e solicitud aki den un tema polemico. E inseguridad, e reclamonan social y e aprobacion abao di gobierno a

intensifica e cuestionamento riba mancho di Boluarte, y e propuesta pa duplica su salario a agrega un frente nobo di critica.

Maske e aumento ainda no a drenta na vigor, su tramitacion caba a genera un debate publico intenso. E percepcion cu e mandatario ta duna prioridad na su salario na un momento di crisis ta motibo di rechazo di varios sector di sociedad.

E decision final riba e aumento salarial awo ta den man di presidencia di Consejo di Minister, cu lo mester evalua e impacto politico y social di aproba e medida aki.



Huesnan Mexicano ta bisa cu reforma hudicial a viola derecho humano

(Reuters) – **Diescuater huez federal actual y anterior na Mexico a presenta un peticion na e Comision Interamericano di Derecho Humano pidiendo “reparacion pa violacion di derecho humano” cu nan ta bisa a ser causa pa e revision recien di e sistema hudicial di e pais, un grupo cu ta representa e huesnan a bisa den un comunicado diamars.**

Contexto

E reforma hudicial general, vota den e constitucion di e

pais na september, a marca un cambio historico pa e cortenan di Mexico na tur nivel. E ta rekeri pa votadornan bay urna pa eligi tur hues, prome durante eleccion otro luna y despues atrobe na 2027.

Critico ta bisa cu e reforma ta menasa e independencia politico di e poder hudicial, bruhandu e separacion di podernan y exponiendo esaki na e influencia di forsanan externo manera criminalidad organisa.

Dicon e ta importante?



E comision, un brasa autonomo di e Organizacion di Estadonan Mericano, lo no por a

revoca e reforma, pero su decisionnan ta simbolicamente importante.

Critica di e reforma, cu ta ser sosteni pa presidente Claudia Sheinbaum, ta bin na un momento delicado pa su administracion segun cu e ta nabega tension comercial cu Washington.

Oficina di Sheinbaum no a responde mesora na un peticion pa comentario tocante e peticion, pero su gobierno a argumenta riptidamente cu e reforma ta necesario pa kita corrupcion den e poder hudicial y pa hacie mas democratico.

Lider di oposicion Venezolano, Edmundo Gonzalez, hospitalisa na Spaña

(MiamiHerald) – **Lider di oposicion Venezolano, Edmundo Gonzalez, a keda hospitalisa den un facilidad di salud publico na Spaña despues di un episodio repentino di presion abao. Gonzalez, ampliamente reconoci pa Merca y varios otro nacion como e presidente legitimo di Venezuela, ta den condicion stabiel.**



“Mi ta ricibiendo cuidu excelente for di e personal medico y di enfermeria. Mi famia, mi camaradanan den lucha, y ami ta sinti siguransa sabiendo cu mi ta den bon man,” Gonzalez a bisa den un declaracion emiti for di hospital.

E lider di 75 aña di edad a expresa gratitud pa e sosten cu el a ricibi durante su

problema di salud. Den su ausencia, liderazgo di transicion democratico na Venezuela ta keda den man di Maria Corina Machado, un figura prominente di oposicion cu a bin dilanti como e forsa di impulso tras di e movimiento pa cambio politico. Gonzalez a elogiar su resolucion, bisando cu e ta guiando e caminda pa transformacion nacional “cu determinacion y com-

promiso.”

Gonzalez a sigura su sostenedornan cu e ta bay adheri strictamente na recomendacionnan medico mientras e ta recupera y a reafirma su dedicacion na su responsabilidadnan presidencial. “Mi ta na altura cu mi responsabili-

dad pa e pais como presidente electo ta rekeri mi recuperacion pronto,” el a bisa.

Gonzalez ta reconoci pa Merca y un cantidad di pais como e ganador legitimo di e eleccion disputa dia 28 di juli 2024. A pesar di acusacionnan di fraude electoral, Maduro a

bay dilanti cu un ceremonia di huramentacion na januari ultimo, profundisando e crisis politico na e pais.

Temiendo prison di regimen di Maduro, conoci pa cera oponentenan politico, Gonzalez a huy pa Spaña tiki despues di eleccion.

Oficialnan na Puerto Rico ta expande estado di emergencia despues di simannan di awasero pisa

(AP) — **Dies pueblo y ciudad den henter Puerto Rico ta bou di estado di emergencia despues di dos siman di yobida fuerte, cu dos persona morto.**

Tres ciudad — Caguas, Lares y Vega Alta — a ser agrega na e lista dialuna, segun un declaracion di e Departamento di Seguridad Publico.

Ta anticipa cu e 10 municipionan lo ricibi 100,000 dollar cada un pa yuda drecha infraestructura dañá. E montante apenas ta cubri e daño calcula den algun area.

Oficialnan a bisa cu e awasero a causa daño na balor di 7 miyon dollar na Vega Alta y 3 miyon dollar den e ciudad di Cidra.

E yobidanan, cu a cuminsa dia 18 di april, a causa tera los y inundacionnan generalisa.

Siman pasa, un homber a muri despues di a purba crusa awa di inundacion den su auto y a awa a lastr’e bay cune. Diasabra, un mata a cay den e pueblo di Toa Baja, matando un homber di 44 aña coriendo den e area.



A MORNING MADE FOR HER

All you can eat breakfast
From 7am to 1pm

Reservation number: 699-9317

Price: \$45 per person

Add unlimited mimosas for \$25

20% off for locals

BUCATINI
MARKET & CUCINA

JOIA
BY IBEROSTAR

@bucatinivaruba

Met Gala ta rindi homenahe na moda y diseñadornan di color scur

(AP) - Sastreria masculino no tabata e tema di e anochi. El a inclui famosonan bisti cu tuxedo, y varios muhe cu detayenan cu tipicamente ta consdiera masculino.

E tema di e anochi tabata “Tailored for You,” cual ta inspira pa e estilo ‘Black Dandy’ pa un anochi unda ta recauda fondo pa Met su Costume Institute. E gala a recauda 31 miyon dollar prome cu el a cuminsa.

Nikki Ogunnaike, hefe di redaccion na Marie Claire, a nota algun moda cu a haci corectamente. “E modanan top di e anochi tabata: Blanco cu preto (Zoe Saldña, Whoopi Goldberg y Gabrielle Union), Pinstripes (Alicia Keys y Swizz Beats), trahe (Lupita Nyong’o y Ego Nwodim) y pechi (Whoopi Goldberg y Teyana Taylor).”

Emma Chamberlain y Zuri Hall ta entre esnan cu a bisti shimis elegante cu ta haci uso di hende homber su siluetanan mientras nan tabata subi e trapi iconico di Metropolitan Museum of Art. Zendaya,



ken tabata un co-anfitrion aña pasa, a bisti un trahe blanco perfectamente traha pa su persona cu un pechi pa compaña e traha di Louis Vuitton mientras cu Lauryn Hill a honra bistimenta di hende homber cu un trahe geel cu sastreria exagera cu tabata expresa “Black power.”

E vibra di bistimenta di hende homber pa muhe tabata frecuente y esaki tabata anticipa, “muhenan cu kier a mantene un silueta di shimis femenino a haci esaki mientras toch nan a respeta e tema,” William Dingle, director di estilo pa blackmenswear.com, un agencia di impacto cultural cu ta enfoca riba empodera hende homber di color scur.

Alicia Keys y su casa, Swizz Beatz, a invoca e patron ‘pinstripes’ bastante den color cora, cu su estilo di cabey vlecht cu diamantenan riba dje.

Doja Cat, conoci pa su estilo unico ora ta trata moda, a bisti un bodysuit di Marc Jacobs cu detayenan ‘wildcat’ oraño y preto y ‘pinstripe’ riba e schouder. Taylor a bay pa un look cora yama ‘Zoot Suit’ cu un capa grandi pa match e yen di flor y diamante. El a colabora cu e famoso diseñador Ruth. E. Carter.

Pa loke ta trata hende homber, co-anfitrion A\$AP Rocky a bisa The Associated Press cu Anna Wintour a sugerí e



bisti panja di un diseñador color scur, “pues mi a bisti mi mes,” e musico a comparti tocante su paña traha pa su agencia creativo, AWGE, completo cu un parka preto y un paraplú di diamante. “Tur cos ta diseña pa ami mes.”

Colman Domingo, di e anochi su anfitrionnan, a bisti un capa di oro dorna riba un trahe shinishi cu preto. Su look, incluyendo e capa, a rindi homenahe na Andre Leon Talley, e icono di moda cu a crea historia como un editor color scur na Vogue.

We are looking for...



The Aruba Tourism Authority is seeking creative and dedicated professionals to join our organization.

Senior Communications Specialists

We are looking for two Senior Communications Specialists for the Marketing Unit. One Senior Communications Specialist shall focus mainly on international communications and the other shall focus mainly on the on-island communications to our guests.

The Senior Communications Specialists report to the Communications Manager and are responsible for contributing to the development and execution of the global communication strategy of A.T.A., for facilitating global collaboration to ensure alignment across all markets (North America, Latin America and Europe), for reporting and analyzing data from all markets and for contributing to the organizational objectives.

Interested and eligible candidates can submit their application and motivation letter via our Career Portal.

Deadline for the applications are May 25th, 2025



SCAN ME!

And visit our Career Portal for more information about the positions and requirements.

Huicio di Sean Combs a cuminsa na New York



(BBC) – E asuntonan legal actual di Sr. Combs a cuminsa na fin di 2023 ora el a ser demanda pa Sra. Ventura, tambe conoci como Cassie, pa abuso violento y violacion.

E demanda a keda regla pa un montante no divulga un dia despues cu el a ser presenta, cu Sr. Combs manteniendo su inocencia.

Desde e tempo ey, decena di otro hende a presenta demanda acusando Sr. Combs di agresion sexual, cu acusacionnan cu ta data for di 1991. E ta nenga tur e acusacionnan.

Su historia controversial cu Sra. Ventura a bolbe aparece na 2024, ora CNN a filtra imagennan di CCTV di 2016 cu ta muestra Sr. Combs ta scop su ex-pareha mientras e tabata benta riba vloer den e hotel.

El a pidi dispensa pa su comportacion, bisando: “Mi ta tuma tur responsabilidad pa mi accionnan den e video. Mi tabata disgusta e tempo ey ora mi a hacie. Mi ta disgusta awor.”

Den un declaracion na BBC tocante e acusacionnan penal federal, e abogado di Sr. Combs a bisa: “Sr. Combs y su ekipo huridico tin pleno confiansa den e echonan y e integridad di e proceso hudicial.”

“Den corte, e berdad lo prevalece: cu Sr. Combs nunca no a agredi of trafica niun hende sexualmente – homber of muher, adulto of menor di edad.”

E abogado di Diddy despues a presenta un mo-

cion pa rechasa un parti di e acusacion federal den cua e ta ser acusa di transporte pa participa den prostitucion. Su ekipo a argumenta cu e tabata ser dirigi inhustamente pa motibo di su color di cuero.

Den un audiencia na New York un siman prome cu e huicio a cuminsa oficialmente, su abogado a bisa corte cu e rapper tabata hiba e “estilo di bida” di un “swinger” y no tabata un criminal.

Nan a bisa cu e tabata pensa cu tabata “apropia” pa tin varios pareha sexual, incluyendo trahadornan sexual.

Si e ser condena pa e acusacion di fraude, Sr. Combs ta enfrenta bida largo den prison.

E ta enfrenta un otro castigo minimo legal di 15 aña si e ser haya culpabel di traficaion sexual.

Transporte pa motibo di prostitucion ta carga un castigo maximo di 10 aña.

Sr. Combs a keda deteni na e Centro di Detencion Metropolitano na Brooklyn, New York, desde su aresto riba 16 di September 2024.

Criticonan ta describi e prison como yen di hende y cu insuficiente personal, cu un cultura di violencia.

Su abogado a argumenta pa su liberacion, citando e condicionnan “horibel” di e prison, pero un hues federal di New York a nenga e petition di fianza, describiendo Sr. Combs como un “riesgo di huida serio”.

Anteriormente fiscal a alega cu Sr. Combs a kibra reglanan di prison dor di tuma contacto cu testigonan potencial.

Nan a acus’e di “esfuersonan implacabel” pa “influencia testimonio di testigo coruptamente”.

Un hues a duna Sr. Combs permiso pa bisti paña cu no ta di prison durante su huicio en bes di e jumpsuit cu e ta bisti den prison.

Ora el a presenta den corte pa seleccion di hurado, e rapper tabatin un sweater blauw y un camisa blanco bisti cu bril riba su cabes.

Rihanna ta revela cu e ta na estado di su di tres yiu cu A\$AP Rocky

(BBC) – E cantante Rihanna a confirma cu e ta na estado di su di tres baby mientras e tabata asisti na e anochi mas grandi di moda di aña, e Met Gala na New York.

E dama di 37 aña a brasa su bariga y a smile pa e camaranan mientras e tabata aparece riba e tapijt cora, cu tabata marina cu narciso.

Rihanna, kende su nomber real ta Robyn Fenty, y su partner, e rapper A\$AP Rocky, ya tin dos yiu homber.

A\$AP Rocky, tambe conoci como Rakim Mayers, a gradici reporteronan cu a ofrece nan pabien riba e tapijt cora. “Ta tempo pa djis muestra e hendenan kico nos tabata cushina,” el a bisa.

Rihanna tabata e ultimo pa yega na e evento di beneficio pa e Museo Metropolitano di Arte di New York, cu ta marca e apertura di e exposicion



anual di moda di su Instituto di Trahe.

Tur aña celebradnan ta bisti trahenan extravagante na liña cu e tema di e evento. E concepto di e aña aki tabata “Superfine: Tailoring Black Style,” e prome for di 2003 pa enfoca exclusivamente riba paña di hende homber.

A\$AP Rocky, un co-presidente di e evento, a confirma e noticia di embarazo di e pareha riba e tapijt cora. “Danki, danki, danki,” e rapper a bisa.

“Mi ta contento cu tur hende ta contento pa nos pasobra nos ta definitivamente contento”, el a agrega.

E prome yiu homber di e pareha RZA a nace na mei 2022 y nan di dos yiu homber, Riot, a nace na augustus 2023.

E strea di pop y empresario ta conoci pa su anuncianan di embarazo di perfil halto. El a debuta e embarazo di su prome yiu cu un sesion di potret cu su partner na Harlem, Ciudad di New York na 2022.

Ora ela presenta na e programa di halftime di Super Bowl na 2023 el a revela cu e tabata sperando nan di dos yiu.

E no ta e prome strea pa revela nan baby bump na e Met Gala – e ex hungador di tennis, Serena Williams y e modelo Karlie Kloss tur dos a revela nan embarazo publicamente na e evento di 2023.




JOIN US FOR

Mother's Day High-Tea

SUNDAY, MAY 11

\$42

PER PERSON

From 11am to 3pm

Locals receive a special 20% discount.

Welcome Drink
Mimosa or Peach Belini

Please call 586-7800 ext. 231 or 242

E-mail: tdsba1@iberostar.com

www.tierradelsol.com

Florida ta aumenta coach di basketball Todd Golden su salario na \$6 miyon pa aña despues di titulo nacional

(AP) - Florida su coach di basketball Todd Golden a firma un extension di contract cu ta subi su salario anual na \$6 miyon, un aumento despues di casi 1 luna cu Gators a gana e campeonato nacional.

Golden a firma un extension di 6 aña y 40.5 miyon dollar diamars anochi, agregando un aña na su acuerdo actual y poniendo su persona bao contract durante e temporada di 2030 pa 2031.

El a firma un extension di 2 aña den maart 2024 cu a aumenta su salario averahe na 4.1 miyon dollar pa aña.

Su aumento mas recien ta un compromiso significativo for di Florida y ta pone Golden casimete na mesun nivel cu coach di futbol Mericano Bil-



ly Napier, ken ta den schedule pa gana 7.4 miyon dollar den 2025.

Golden su acuerdo ta paga 6 miyon dollar pa aña cumin-

sando dia 16 di april 2025, cu un aumento di casi 300,000 dollar cada aña.

“Todd a haci un trabao increíble logrando cu Florida

su ekipo a regresa unda e merece,” director atletico Scott Stricklin a bisa den un declaracion.

“Nos ta kere den su vision, su naturalesa competitivo y su strategia moderno pa e wega den 2022, y el a valida e creencia aki den un tempo relativamente cortico y a yuda crea recuerdonan pa henter un otro generacion di fanatico di Gator.”

E salario aki ta haci Golden e di dos coach di basketball mas paga den Southeastern Conference tras di Arkansas su John Calipari, ken tin un salario di 8 miyon dollar anualmente.

Golden, antes un assistent bao di Bruce Pearl na Auburn cu a a haya su prome trabao como coach na San Francisco den 2019, anteriormente tabatin rango 12 di 17 coach den e liga.

Awo e ta bula na di 5 luga entre e 7 coach activo cu titulo nacional, tras di Bill Self di Kansas, Calipari, Uconn su Dan Hurley y Michigan

State su Tom Izzo. “Manera nos a demostra durante nos tempo na Gainesville, University of Florida ta un institucion cu tin e recursonan, sosten na luga pa competi y gana campeonatonan nacional,” Golden a bisa den un declaracion.

Golden su acuerdo nobo ta casi completamente garantisa. Florida lo debe su persona 85% di e balor restante si e scol despedi su persona sin ningun causa na cualkier momento.

Golden su compra for di Gainesville ta cuminsa na 16 miyon dollar proximo temporada y ta keda baha anualmente; 11 miyon dollar den 2026-2027; 4 miyon dollar den 2027-2028; 3 miyon dollar den 2028-2029; 2 miyon dollar den 2029-2030 y 1 miyon dollar den 2030-2031.

Sinembargo, Golden por sali pa bay NBA na un prijs hopi mas abao.

Su compra pa NBA ta cuminsa na 3 miyon proximo temporada y ta baha pa 2 miyon dollar (2026 pa 2028) y despues 1 miyon dollar (2028 pa 2029).

Inclui den Golden su compensacion anual ta un bonus di firma di 500,000 dollar, un incentivo anual di 500,000 pa con hopi e dura y un cuenta di gasto di 60,000 dollar anual.

Ademas di esaki, e ta ricibi 70,000 dollar anual den zalgeld pa biahe pa medio di usa e universidad su asociacion atletico su avion y ta haya otro beneficiacion cu balor di 62,000 dollar.

MAREA

MOTHER'S DAY BRUNCH

11 MAY FROM 11AM TO 3PM

All you can eat \$60
one plate at a time
20% off for locals

Add all you can drink mimosas \$35

RESERVATION NUMBER: 698-9317

@marea.aruba

JOIA
by IBEROSTAR



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Club di futbol Mexicano León ta perde apelacion contra FIFA y no lo participa den Copa Mundial di Club

(AP)—E club di futbol Mexicano León a perde su caso legal contra FIFA diamars y a keda pafo di e Copa Mundial di Cup cu lo tuma luga na Merca otro luna, y lo ser reemplasa pa sea Los Angeles FC of un otro equipo Mexicano, América.

E Corte di Arbitracion pa Deporte a bisa cu huesnan a rechasa e intento di León pa cambia e decision di FIFA pa kit'e for di e torneo di 32 equipo pa motibo cu e ta cay den e mesun grupo di propietario cu Pachuca, un otro participante den e Copa Mundial.

“E panel a examina e evidencia, incluyendo credito di Club León estableci pa e doñonan di e club, y a conclui cu e credito aki no tabata suficiente pa cumpli cu e reglamento,” segun un declaracion di e corte.

León a critica FIFA den un declaracion, refiriendo na su oponente “cu hopi influencia.”

“Nos fanaticonan y nos hungadornan merece mas respet di un organisacion dedica na promove deporte, pero for di cuminsamento no tabatin ningun principio deportivo den e caso,” e club cu a ser expulsa a bisa.

E decision urgente un dia despues di e sesion di apelacion na Lausanne, Suisa, ta laga FIFA finalisa e organisacion di un playoff entre LAFC y América pa completa e lista di clubnan pa e torneo cu ta cuminsa dia 14 di juni na Miami.

FIFA a bisa diamars cu e no a confirma ainda un fecha ni sitio pa e partido aki, cual lo garantisca casi 10 milyon dollar pa e ganador, di e fondo di premio di e Copa Mundial di Club cu ta 1 biyon dollar.

E disputa legal a tuma luga na



Suisa cinco luna despues cu FIFA a laga León drenta den e sorteo di torneo na Miami a pesar di e cuestion pendiente di multiple club cu mesun doño.

León a ser poni den un grupo pa hunga contra Chelsea na Atlanta dia 16 di juni, despues contra Esperance di Tunisia na Nashville, y Flamengo di Brasil na Orlando. E partidonan ey lo ser hunga awor pa LAFC of América.

Reglanan tocante propietario di clubnan
E regla nobo di FIFA pa proteha integridad di e torneo nobo y importante di clubnan, ta prohibi cu dos of mas club cu mesun doño por hunga den e mesun torneo. E regla ey ya tin mas cu 20 aña ta canando den e competencianan Europeo dirigi pa UEFA, y normalmente ta ser soluciona cu cambio den maneho di un di e dos clubnan.

León y Pachuca a cualifica pa e Copa Mundial di Club door di gana e edicion di 2023 y 2024 di campeonato di CONCACAF respectivamente.

E doño di León y Pachuca, Grupo Pachuca, a bisa cu nan

tabata dispuesto pa bende un di e clubnan pa cumpli cu e regla di FIFA, pero cu esaki no tabata posible prome cu e torneo cuminsa.

Despues cu oficialnan di FIFA a dicidi cu León mester ser kita, huesnan di apelacion di FIFA a exclui León na maart pa motibo di no cumpli cu regla. Durante un sesion anterior di apelacion den FIFA, León a argumenta cu FIFA “mester sigui e ehemplo di UEFA y permiti implementacion di un credito como solucion pa e cuestion di multiple club cu mesun doño.”

Abogado di FIFA a argumenta cu a pesar di e intencion di e doñonan di León, nan no tabata cumpliendo cu e reglamento ora nan a firma un acuerdo pa drenta e Copa Mundial di Club na februari.

Un apelacion separa di e club Costaricense Alajuelense—cual tin poco chance pa ta exitoso—pa reemplasa León tabata inclui den e caso general y tambe a ser rechasa diamars, segun e corte.

Decision laat pa e playoffs FIFA a bisa anteriormente cu LAFC lo ta den e playoffs pasobra nan tabata e finalista

perdi contra León den e final di CONCACAF Champions League 2023. FIFA a splica cu e participacion di América tabata hustifica como e proximo team miho para den e ranking di e confederacion di Copa Mundial di Club.

No tabata cla ainda pakico América—un di e teamnan mas popular di Mexico—tabata elegible pa drenta mientras cu e regla di FIFA ta limita dos club pa pais, a menos cu tin mas cu dos ganador di campeonato continental den e periodo di cualificacion.

E entrada cu tabata un pelea legal ta representa un pago inicial di 9,55 milyon dollar for di FIFA pa un team di CONCACAF, mas un porcion di e 1 biyon dollar total den premio segun resultado durante e torneo di un luna den 11 ciudad na Merca.

Desafio Europeo
Gran parti di e placa lo bay na e 12 team Europeo cu a cualifica, incluyendo e ganadornan reciente di Champions League manera Real Madrid, Manchester City y Chelsea, ademas di Paris Saint-Germain y Bayern Munich. Teamnan cu no a cualifica ta inclui e campeón nobo di Inglaterra, Liverpool, y tambe e

lider actual na Spaña y Italia, Barcelona y Napoli.

E lista tambe ta inclui Lionel Messi y su club Inter Miami cu a ricibi un invitacion desde october pasa di e presidente di FIFA Gianni Infantino a pesar di no gana titulo di CONCACAF ni di Major League Soccer. Seattle Sounders, ganador di CONCACAF Champions League 2022, lo participa den e torneo.

E prome edicion expandi di loke awor ta un torneo di club cada cuatro aña di FIFA a ser promovi pa Infantino, ken a usa su lazo cu presidente Mericano Donald Trump pa pone e trofeo di oro den e Oficina Oval di e Cas Blanco prome cu e torneo.



Dia Mundial di Libertad di Prensa

Libertad di expresion frente e revolucion di inteligencia artificial

Dia 3 mei a ser proclama como Dia Mundial di Libertad di Prensa na 1993 pa Asamblea General di Nacionan Uni, siguiendo un recomendacion di e Conferencia General di UNESCO.

E fecha a ser scogi pa coincidi cu e aniversario di e Declaracion di Windhoek, den cual representanten di medianan di comunicacion Africano cu tawata participa den un seminario organisa pa UNESCO den e capital di Namibia, a crea un documento den cual a formula e principionan di e libertad di prensa.

Segun estableci pa articulo 19 di e Declaracion Universal di Derechonan Humano, libertad di expresion ta un derecho fundamental: “Tur individuo tin e derecho di libertad di opinion y expresion; e derecho ta inclui e derechonan di no ser molesta a causa di bo opinion, investiga y recibi informacion y opinion, y e difusion di esakinan sin limitacion di frontera, y mediante cualkier medio di expresion”.

Teniendo e derecho aki na cuenta, Dia Mundial di Libertad di Prensa ta un oportunidad pa recorda e gobiernonan cu ta necesario respeta libertad di expresion y pa refleha riba e problemanan di libertad di prensa y e etica profesional. E ta un oportunidad pa: Celebra e principionan fundamental di libertad di prensa; Evalua e situacion di libertad di prensa na mundo; Defende e medianan di comunicacion contra atentado riba nan independencia; Rindi homenahe na periodista cu a perde nan bida cumpliendo cu nan deber.

2025 tema: Libertad di expresion frente e revolucion di



inteligencia artificial. E crecimiento rapido y utilizacion di inteligencia artificial (AI) ta cambiando y reconfigurando periodismo, e medianan di comunicacion y libertad di prensa y expresion den un forma fundamental.

Aunke e principionan di medianan liber, independiente y pluralistico ta keda hunga un papel crucial, e impacto di AI riba recopilacion, tratamiento y difusion di informacion ta profundo y ta presenta tanto oportunidadnan inovador como tambe retonan serio. Inteligencia artificial por contribui na sostene libertad di expresion facilitando acceso na informacion, permiti mas hende comunica rond mundo y cambia e manera cu informacion ta corre mundialmente.

Na e mes momento AI ta trece riesgonan nobo. E por ser utiliza pa difundi informacion falso of eroneo, aumenta instigacion di odio online y favorece tiponan nobo di censura.

Algun actor ta usa AI pa vigilancia masivo digital di periodista, ciudadano y sociedad civil loke tin un efecto desanimador riba libertad di expresion.

E plataformanan grandi tecnologico ta usa AI pa filtra y controla e contenido cu

por accesa online, locual ta converti nan den guardian poderoso di informacion.

E preocupacion ta creciendo cu AI por haci e medianan global di comunicacion cumenza parece otro cada bes mas, y reduci e puntonan di bista diferente cu ta tipifica periodismo pluralistico y caba cu e medianan di comunicacion chikito y independiente.

AI tambe por yuda automatiza e trabou di medianan di comunicacion, haci nan mas eficiente y yuda nan mantene e ritmo di demanda. Sinembargo na e mesun momento e salud financiero di hopi medio di comunicacion ta deteriora. Aplicacionan di inteligencia artificial generativo ta reusa contenido periodistico sin ningun tipo di recompensacion husto, kitando asina entrada di medianan independiente y pasando e entrada aki na e plataforman tecnologico y empresanan di AI.

AI cada bes mas ta hunga un papel grandi den eleccionan, asistiendone den verificacion di datonan suministra pa politiconan (fact checking) y yuda combati desinformacion.

Tambe e ta proporciona aplicacionan pa sostene periodista y votador cu participacion democratico bon informa.



Sinembargo AI tambe ta crea riesgo. E por ser utiliza pa crea contenido cu ta parece realistico pero falso, manera deep fakes (video manipula cu AI), loke por daña e confianza den sistema democratico.

Pa atende cu e retonan aki ta rekiri colaboracion entre gobiernonan, medianan di comunicacion y sociedad civil.

E Pacto Digital Global (UN Global Digital Compact) ta señala cu e ta importante atende cu e problemanan causa pa tecnologia y na mesun momento proteha privacidad y libertad di expresion.

Día Mundial di Libertad di Prensa 2025 ta enfoca riba con inteligencia artificial ta afecta libertad di prensa, liber circulacion di informacion, independencia di medianan di comunicacion y e obhetivo mundial di garantisar acceso na informacion y proteha libertadnan fundamental.

Libertad di rensa y expresion, ciencia y democracia na peliger. Na 2024 tema di Dia Mundial di Libertad di Prensa tawata “Prensa pa Planeta: Periodismo den cara di e crisis ambiental”. Concientisacion di tur aspecto di e crisis global ambiental ta esencial pa crea sociedadnan democratico. Trabou periodistico ta indispensable pa e fin aki. Garantisa e visibilidad di e temanan aki ta crucial pa promove paz y valornan democratico den henter mundo.

Atakenan riba e validez di ciencia ta representa un grave amenaza pa e debate publico pluralistico y bon informa. Ta obvio cu informacion erroneo y falso tocante cambio climatico por, den algun caso, mina esfuerzonan internacional pa atende cu e tema aki.

E NGO global cu sede na Sur Africa CIVICUS a señala den su rapport “2024: People Power Under Attack”, parti di e campaña global di dicho organizacion pa monitorea e espacio civico, esta e espacio defini pa derechonan huma-

no y civico pa opera di NGO, cu na mayoria di paisnan rond mundo e espacio civico ta disminuyendo.

Esaki ta bisto cu legislacion introduci y veredicto contra Just Stop Oil na Inglatterra y e veredicto den e caso den corte di Energy Transfer na Merca cu multa di 600 MIYON USD riba Greenpeace.

Na Washington presidente Trump e aña aki a ataca derechonan LGBTQIA+, maneho dirigi ariba diversidad, igualdad y Inclusion, derecho riba proceso debido pa ilegal, inmigrante y legislacion ambiental. Proteccion di consumidor, cuida medico y social, subsidio pa ayuda humanitario local y internacional y fondo pa investigacion científico a ser para of elimina y autonomia di institucionan academico ataca.

Den e contexto aki periodistanan a ser califica como enemigo di pueblo pa nan trabou incesante pa desenmascara mentira y atakenan riba democracia y hasta e poder hudicial na Merca, coregiendo den forma continuo violacion di estado di derecho di politica di Trump. Pero atake riba libertad di expresion, ciencia y derecho humano y destruccion di medio ambiente sanciona pa beneficia industria di extraccion (gas, petroleo y mineral) no ta pasa na Merca so.

Internet a haci e distincion entre periodista, blogger, vlogger y tur hende cu ta pone informacion veridico online desaparece.

Y esey ta pone cu Libertad di Prensa de facto mundialmente a bira asunto pa un y tur defende y colectivamente trata di percura cu e influencia di tecnologia, particularmente inteligencia artificial ta keda monitorea y controla y tambe cu nos un y tur mester duna nos aporte na medianan di comunicacion independiente y pluralistico sigui existi y keda suministra nos cu informacion veridico.



Chauffeur a pasa dal un SUV y bandona e sitio di accidente

Diadomingo anochi a drenta informe di un accidente na Venezuelastrat, mesora a dirigi un patruya na e sitio.

Na yegada di e patruya a bin compronde cu aki ta trata di un accidente hit & run. E doño di e SUV tabata na un cas y ora a tende e boroto a sali bay wak y ta mira e dama

chauffeur den un Mitsubishi Lancer shinishi reverse y sali bay manera nada a pasa.

Polis ta pidi pa e chauffeur di e Lancer aki pasa den transcurso di dia na warda di Balashi promer cu polis bay busk'e y confisca su auto ya cu nan a logra tuma su number di auto.



Chauffeur a brake na zebrapad pa peaton crusa pero esun su tras no a ripara y a dal den dje



Dialuna madruga a drenta informe di un accidente dilanti Talk of the Town, mesora a dirigi un patruya na e sitio.

Na yegada di e patruya a bin compronde cu aki ta trata di

un accidente unda e chauffeur di un Kia Sportage mes- ter a para diripiente dilanti un zebrapad pa peatonnan crusa


pero e chauffeur di e Toyota Yaris su tras a bay dal su tras. Mientras polis tabata atende e

accidente e chauffeur a cum- insa sinti dolor y a pidi ambulans p'e.

Polis a atende un accidente cu a sucede na Catiri

Diadomingo anochi a drenta informe di un accidente na Catiri, mesora a dirigi un patruya na e sitio.

Na yegada di e patruya a bin compronde cu aki ta trata di un accidente di un Hyundai Tucson y un Kia Picanto. Afortunadamente ningun hende a resulta herida




Polis a para driftmento ilegal di brommernan na Barcadera

Manera ta conosi ta tur si- man e mesun storia di cu tin driftmento ilegal na Barcadera y polis ta bolbe bay para e eventonan aki ya cu esaki ta ilegal riba caminda publico.

E participantenan aki ta indi- ca cu nan no tin ningun lugar pa haci nan deporte favorito y cu nan ta desea di haya un tereno apropia pa practica nan hobby!



Aruba Conservation Foundation ta invita bo pa un otro Full Moon Hike



Bin experiencia e naturalesa di Aruba bou di un luna yen y mira e bunitesa natural di un otro perspectiva. Cuminsando na Centro di Bishitante di Parke Nacional Arikok, participantenan lo subi pa explora Miralamar, Trapi- nan di Jamanota y Conec- tion Road.

Dia: dialuna, 12 di mei 2025
Ora: 6:30 PM – 9:00 PM
Distancia: 4.3 Km / 2.7 Mi
Recordatorio: Bin cu un flashlight chikito

Registra via e link aki, <https://forms.office.com/r/GmB-tigQv4z>, of yama ACF na 585-1234 pa mas informacion. Ban aprecia e bunitesa di nos naturalesa den un manera respetuoso y consci-

Departamento di Relacionnan Exterior na Aruba ta splica e procedemento pa peticion di visa pa ciudadanonan di Haiti



Resultado Sorteo <i>Mei 06</i>			
Cadena Alexander Lottery ta presenta resultado di weganan di suerte			
DIARIO		KORSOU	
2483		8700	
8558		1064	
3998		5497	
SUPER4		FLAMINGO	
4891		6630	
SUPER5		1746	
-		2309	
MERDIA		ANOCHI	
Sorteo # 4612		Sorteo #	
9434		0 x Jackpot	
5087		0 x Match 4+	
2940		0 x Match 4	
		0 x Afl. 12,00	
X3		Joker Letter	
		Proximo Jackpot	
Sorteo # 4612		420.000,-	
0291			
		15-18-21-23-24	
X3		Sorteo # 6818	
		0 x Jackpot	
Sorteo # 2668		8 x Match 4	
6737		137 x Afl 8,00	
		Proximo Jackpot	
Sorteo # 4612		60.000,-	
4964			
Geminis		08-18-22-27	
		Mega Ball 01	
Sorteo # 1486		Proximo Jackpot	
366		300.000,-	
		Afl. 400.000,-	
X2			
		Sorteo #	
Sorteo # 1270			
542			
X5			

Departamento di Relacionnan Exterior (DBB) ta informa cu actualmente ta dificil pa ciudadanonan Haitiano aplica pa un visa Caribeense pa Aruba, pasobra e oficina di visa na Haiti ta cera. Ademá, e frontera cu Republica Dominicana ta cera, mientras cuna otro paisnan cercano, den su mayoria ta exige visa na entrada pa ciudadanonan Haitiano.

Por entrega peticionnan di visa pa Caribe Hulandes solamente online via www.nederlandwereldwijd.nl. Ta importante pa e persona tene cuenta cu despues di entrega su peticion online, e mes- ter acudi personalmente na un cita na un representacion Hulandes (sea embahada of consulado) pa termina e pro- ceso di visa.

Ministerio di Asuntonan Exterior na Hulanda y De- partamento di Relacionnan Exterior (DBB) na Aruba ta conseha personanan di nacionalidad Haitiano pa con- sidera e siguiente pasonan na momento di pidi un visa pa Aruba. Esaki ta conta tambe pa personanan cu ta den pro- ceso di peticion pa un per- miso di residencia na Aruba y cu a ricibi un VTA caba pa bin Aruba pa haci e test medico.

- Si tin un visa valido caba sea pa Caribe Hulandes, territorio Schengen (Europa) of pa Merca (Estados Unidos di America), no tin mester di aplica di nobo pa un visa pa Aruba;
- Den caso cu no tin un visa, por busca cua pais cercano cu no ta exige un visa di entrada na personanan di nacionalidad Haitiano of cu ta duna un visa na yegada na aeropuerto. Ta importante pa e pais aki tin un represen- tacion diplomatico di Reino Hulandes sea un embahada of un consulado;
- Entrega un peticion pa visa pa Aruba via di e web- site y scoge e embahada of consulado na unda por yega. Via e siguiente link por lesa mas informacion encuan- to visa pa Caribe Hulandes den diferente idioma:
 - Hulandes: <https://www.nederlandwereldwijd.nl/caribisch-visum/visum-nodig>
 - Ingles: <https://www.netherlandsworldwide.nl/caribbean-visa>
 - Spaño: <https://www.netherlandsworldwide.nl/caribbean-visa/visa-needed-caribbean.es>
- Na momento cu e persona haya su fecha pa su afspraak e lo mester presenta personalmente na e repre- sentacion di Reino Hulandes na e pais cu e la scoge durante su aplicacion online pa asina e termina su proceso di visa.

DBB ta expresa su compren- sion pa e situacion delicado cu e pueblo di Haiti ta en- frentando y ta comprometi pa brinda e asistencia nec- esario den e momentonan di incertidumbre. Alabes ta conseha tur persona cu ta interesa of ta den proceso pa solicita pa un visa pa Aruba of otro parti di Reino Hulandes pa consulta e website di Min- isterio di Asuntonan Exterior di Hulanda www.nederlandwereldwijd.nl pa e informa- cion mas recien tocante e proceso di visa.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

**Fundacion Autismo
Aruba**

Irenestraat 21 Aruba
297-588-1179

**Fundacion Pa Nos
Muchanan**

Cumana 2 Aruba
297-583-4247

**Fundacion Tel Pa
Hubentud**

Wilhelminastraat 19
Aruba
297-588-6138

**Koningin Wilhelmina
Fonds**

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

**Stichting Fundacion
Guia Mi**

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Paradera: Aloe
Tel. 588 6638 Tel. 584 4606

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Hues ta prohibi administracion di Trump reduci agencianan cu ta financia biblioteca y ta resolve disputanan laboral



(AP) - Hues federal a temporariamente prohibi e administracion di Donald trump su plan di dramticamente reduci e tamaño di 3 agencia cu ta financia biblioteca na Merca, a resolve disputanan laboral cu trahadonan di sector publico y ta apoya programanan estatal di contratonan empresarial.

Hues di Distrito Mericano John McConnel na Rhode Island a bisa cu Trump no por unilateralmente caba e financiamiento y progrmanan pa Institute of Museum and Library Services, Minority Business Development Agency y Federal Mediation and Conciliation Service. Tur 3 ta agencia cu Congreso a establece.

E agencianan aki a ehecuta e recorte bao direccion di un orden ehecutivo di Trump. Den diamars su blokeo preliminar, McConnell a bisa cu e accionnan ta probablemente arbitrario y caprichoso pa motibo cu e agencianan no por a provee mas cu hustificacion "vago" pa e recortenan. "Tambe e ta ignora e papel constitucional fundamental di cada brasa di nos gobierno federal; specialmente, e ta ignora e principionan indiscutible cu e Congreso ta crea e leynan y ta asigna e fondonan, y e Poder Ehecutivo ta implementa e leynan aproba pa Congreso y ta gasta e fondonan cu Congreso a asigna," McConnell a skirbi.

20 estado a demanda Trump pa e orden ehecutivo di dia 14 di maart, cual a ordena e agencianan elimina tur programa cu no ta exige pa ley y reduci e minimo permiti pa e statuut tocante e personal como tur otro funcion. E estadonan a afirma cu e "desmantelacion" di e agencianan

ta pone miyones di dollar den fondo den riesgoy ta perhudica e publico en general.

Entre e programanan bao menasa ta inclui un biblioteca di braille na Washington, un programa di alfabetisacion na California y un programa di sosten na veteranonan na Rhode Island segun e demanda.

Sinembargo, abogadonan pa e gobierno a bisa e hues cu e demanda ta demasiado amplio, parcialmente pa motibo cu algun di e estado ta argumentando cu subsidi-onan specifico a keda termina sinembargo otronan ta simplemente anticipando aumento den gasto den futuro

of cu algun subsidio posiblemente no lo keda renoba.

Den algun caso, U.S Department of Justice su abogadonan a skirbi den documentonan di corte cu, e varios recipiente di e subsidionan no a ni sikiera pidi un pago ainda. Disputanan tocante personal, manera despido di empleado of reduccion di e forsa laboral prome mester bay dilanti otro entidadnan y despues bay corte federal, sugiriendo cu e estadonan ta purbando di "corta caminda."

E decision ta consistente cu otro decision tuma siman pasa den un caso similar na Washington, D.C.

Pronostico di tempo

Tempo:

Awe noch: parcialmente nubia y generalmente seco

Den marduga y mañan: parcialmente nubia cu localmente un awasero breve

Temperatura maximo 31 grado Celsius

Temperatura minimo 26 grado Celsius

Indice di calor (heat index) den y rond di oranan di merdia: 32 pa 38 grado Celsius
Uv index: 12

Bahada di solo : 6:55 pm
Subida di solo : 6:17 am

Biento:

Moder for di direccionan entre oost-noordoost y oost-zuidoost; forsa 3 te 4 (12 te 30 km/ora, 7 te 16 nudo)

Den di dia basta fuerte te posiblemente fuerte den rafaga; forsa 5 te 6 (31 te 50 km/ora, 17 te 27 nudo)

Situacion general di tempo: Condicionnan levemente instabil den region lo induci de bes en cuando mas nubia den region local. Esaki



por produci localmente algun awasero breve durante e periodo di pronostico aki.

Mas aleu por bisa cu stof di Sahara lo stroba visibilidad un poco y causa aire di menos bon calidad. Personanan cu tin sensibilidad pa cambionan den calidad di aire mester tene Esaki na cuenta.

Condicionnan maritimo/ estado di lama:

Na partinan protegi di costa: keto, rond di 1 pia.

Na partinan zuid: tranquil cu lama di 1 pa 2 pia.

Na partinan oost te noordwest di costa: modera cu olanan di 3 pa 4 pia.

Aurora

Royal Pray

Funeral Home & Crematory

Mi Dios, Mi Señor, Mi
Salbador
Cu Bo amor infinito tenemi
den Bo braz
Ya no tin scuridat
Unicamente Bo Luz
briyando



Cu dolor na nos curason,
pero conforme cu boluntad
di Señor, nos ta participa
fayecimento di nos ser
stima:

Anastasia Tromp

Cariñosamente yama “Ana of Tanta”
*15-04-1929 - †03-05-2025

Su Mayornan dfm: Marco y Petra Tromp

Su ruman na bida: Luis y †Benita Tromp

Su rumannan dfm:

Johanita y Hose Flanegin
Maria y Pedro Petrochi
Magdalena Tromp
Anselmo Tromp
Jacobo Tromp
Oswaldo Tromp
Juan Tromp
Martina Tromp y Francisco Thiel
Laurianita Tromp

Cuña na bida: Ofelia Tromp-Solognier

Su Sobrino y sobrinanan:

†Rafael y fam., †Margo y Ruben Hellement y fam.,
†Reynaldo y Sylvia Flanegin y fam., †Robby Flanegin
y fam., Antonieta y Dolfi Kock y fam., Glenda y Eti
Werleman y fam na Merca, †Freddy y Aida Flanegin
y fam.
Joy y Glenda Flanegin y fam., Theo Flanegin y Alba y
fam., Tito y Carmen Flanegin y fam na Hulanda, Juan
Flanegin y fam., †Lourdes Flanegin Hubert Flanegin
y fam., Magda Flanegin y fam., Roland Flanegin y
fam., Jacintha y Candi Boekhoudt y fam., Lourdes y
Lino Croes y fam., Hipolito y Marissa Tromp y fam.,
Lucia y Ivan Nicolas y fam., Juan Tromp na Hulanda,
Lourdes y Emilio Richardson y fam., Edith y John
Dijkhoff y fam., Lydia y Julian Holmond y fam.,
†Robert Tromp y fam.
Olivia y Freddy Maduro y fam., Ortencia y Raymond
Hernandis y fam., Janine Tromp y fam.
Edwin y Celia Thiel y fam., Swinda Thiel na
Hulanda, Francis Thiel y fam na Hulanda, Mervin
Thiel y fam., Daniel Clement, Veronica Clement
y fam., Mark y Penelope Tromp y fam., Edward
Erasmus y fam na Hulanda

Su ayudante: Thelismene Adelson

Su sobre Sobrino y sobre sobrinanan.

Su primo y primanan.

Su ihanan.

Su bisñanan, conocirnan y amisdadesnan.

Demas famia: Tromp, Trimon, Flanegin, Petrochi
,Solognier, Thiel, Clement,Erasmus, Dijkhoff, Fingal,
Jacobs, Geerman, Semerel, Boekhoudt, Gomez,
Anjie, Wernet, Kock, Werleman, Theodora, Feliciana,
Croes

Despensa nos si nos a lubida algun familiar.
Ta invita pa **acto di condolencia y entiero** cu lo
tuma lugar: Diahuebs, 8 di mei 2025, na misa San
Huan Pablo II na Tanki-Leendert di 9 or pa 11 or
di mainta y despues lo sali pa Santana Catolico na
Noord.

Nos ta lamenta cu despues di entiero no ta acepta
bishita di condolencia na cas.

Aurora

Royal Pray

Funeral Home & Crematory

Mi Dios, Mi Señor, Mi Salbador
Cu Bo amor infinito tenemi den
Bo braz
Ya no tin scuridat
Unicamente Bo Luz briyando



Cu tristeza na nos curason
nos ta anuncia cu a fayece
inesperadamente nos Mama,wela,
bisa wela, Ruman y Tanta stima :

Sra. Francisca Lamberta v/d Biezen-Giel

Cariñosamente jama “Mamai of Fan”
*14-09-1934 - †04-05-2025

Na number di su

Mayornan: †Demetrio & †Maria Giel-Tromp
Casa: Victor Adelindo v/d Biezen

Yiunan:

Kenneth y Milenka Giel
†Elvis v/d Biezen

Nieto(a)nan: Kenmar Giel y compañera Lisandra, Jillianne
Giel, Keely-Shaye Giel, Zullianne Gonzales, Milanie
Gonzales, Kimberly Dirksz, Kenvienni Dirksz, Dyle Reeder,
Marcel Boekhoudt

Bisa(o)nietanan: Kirienne, Kyrah, RaJean, Alejandra

Rumannan:

†Norberta Everon-Giel y yiunan na Aruba y Hulanda
†Christina de Cuba-Giel y yiunan
†Theresita de Cuba-Giel y yiunan na Aruba y Hulanda
†Sra.vda. Petra Geerman-Giel y yiunan na Aruba y Hulanda
†Anna Giel y yiu na Aruba
†Amador Giel y yiunan na USA, Hulanda, Aruba y Puerto
Rico
†Ricardo Giel y yiunan
Antonio & Berta Giel y yiunan na Aruba y Hulanda
Sra.vda. Juanita Vrolijk-Giel
Rosa & Joy Jacopucci-Giel y yiunan na Aruba y Hulanda

Suegro(a)nan: † Barbarita (Chichi) y Max van der Biezen

Sw a y cuñanan:

†Efigenio y †Margo v/d Biezen y famia
†Ignacio y Annie v/d Biezen y famia
Adelicia y †Luciano Maduro y famia
†Virginia y †Francisco Rasmijn v/d Biezen
†Oswaldo y † Julieta v/d Biezen y famia
†Jose Maria y Viditha v/d Biezen y famia
Jorge v/d Biezen y famia
Beltran y Marianne v/d Biezen y famia
Everardo y † Ina v/d Biezen y famia
Mario v/d Biezen y famia
Edwina y Felix Boal y famia
Juan v/d Biezen
Marina v/d Biezen y famia
Sonia v/d Biezen y famia

Sobrino(a)nan, primo(a)nan, sobresobrino(a)nan, Ihanan, na
Aruba, USA, Hulanda y Puerto Rico

Manera ruman: Maria Figaroa

Amiga Stima: Juanita de Cuba

Ayudante di Cas: Soraida Quintero

Staff y personal y compañeros nan di Cas di mi Chepa

Tur su amigo(a)nan, bisñanan y conocirnan

Demas famia: Giel, v/d Biezen, Yuen, Everon, Geerman,
Vrolijk, Jacopucci, Franek, De Cuba, Tromp, Perez, Croes,
Da Silva, Ruiz, Luydens, Boekhoudt, Lacle, Dijkhoff,
Celaire, Henriquez, Kelly, Del Rosario, Maduro, Rozenberg,
Schaarbaay, Frank, Faro, Leest, Figaroa, Dirksz, Gonzales,
Ras, Flanegin, Reeder

Ta invita pa asisti na acto di entiero cu lo tuma lugar
Diaranson 07 di mei 2025 for di 2’or pa 4’or di atardi na
Royal Funeral Home, despues lo sali pa santana catholico na
Noord.

Nos ta pidi nos disculpa si den nos tristeza nos por a lubida
un of mas famia.

Despues di entiero no ta ricibi bishita di condolencia na cas.

Aurora

Royal Pray

Funeral Home & Crematory

Laga tur loke ta spera mi
ta bunita

Laga tur locual cu mi
encontra na caminda ta
bunita

Laga tur locual cu mi laga
atras keda bunita y
Laga esakinan termina den
tur buniteza.
Cado Wever.



Cu dolor na nos curason
pero conforme cu Dios su
boluntad, nos ta anuncia
fayecimento di nos, tata,
welo, ruman, omo:

Jairo Querino Ras

Cariñosamente yama: “Rasta”
*07-01-1972 - †02-05-2025

Na number di su:

Mayornan:

† Querino Ras
Heddy Ras-Ponson

Su compañera

Arelis Mostacilla Vargas

Yiunan:

Ayrton Ras y Miriexmar Maussa Arrieta
Manuela Gonzalez

Nieto(a)nan:

Ashton
Axmary
Luciana

Rumannan:

Deyanira y †Mervin Tromp-Ras
Vladimir y Stephany Ras-Biladeau
Renwick Ras y Lorena d’Andrea

Subrino y subrinanan

Raimbert, Marvelynne, Myron, Shayla y Adriana

Tanta y omonan, primo y primanan y demas famianan:

Ras, Ponson, Wanopa, Gonzalez,Tromp, D’Andrea,
Biladeau, Webb, Wauben, Winterdaal, Dirks, Olive,
Kelly, Wilson, Pabon, Baarh, Solognier, Pichardo,
Chen, Nicholson y demas famianan na Aruba,
Merca y Hulanda.

Gruponan:

Aruba Muscle Car Club
Rosel Garage
Monchi’s Garage

Ta invita demas famia, bisña, amigo(a)nan y
conocirnan pa asisti na e **acto di entiero** cual lo
tuma lugar diahuebs 08 mei 2025 na Aurora Funeral
Home for di 2or pa 4or di atardi. Despues nos lo
hiba Jairo na su ultimo lugar di sosiego na Santana
Catolico na Paradera.

Nos disculpa cu si den e momento nan di tristesa
aki nos por a lubida di menciona un famia of
conocir.

Ta lamenta cu despues di entiero nos no por ricibi
bishita di condolencia na cas.

Ta deseo di famia pa bin bisti na colornan Alegre.


Aurora

Royal Pray

Funeral Home & Crematory

Mi Angel Wardado, mi dushi compania. No lagami mi so, ni di nochi, ni di dia, te ora cu bo ponemi na paz y alegria, cu tur santu, Hesus y Maria.

Cu honda pena pero conforme boluntad di Dios, nos ta anuncia fayecimento di nos mama, wela, bisawela stima,



Sra. Rosalinda Frank-Werleman
viuda di Octavio Frank d.f.m.
cariñosamente jama Mama, Madu, Tanchi Rosa,
★ 10 - 01 - 1945 - †03 - 05 - 2025

Na number di su

Yiunan:

Eric (Ricky) y Ondina Noguera-Arends y famia na Hulanda
Aldrin Noguera y famia
Jorge Heyer y Ingrid Christiaans y famia na Hulanda

Manera yiu:

Shahaira Werleman
Jacky Filiciana

Nieto/a nan:

Kimberly y Shahiro Geerman-Noguera y famia na Hulanda
Stephanie Noguera na Hulanda
Devon Noguera y yuinan
Kevin Noguera y yuinan
Xenon Noguera y Ayisha Baena-Gaviria y yuinan
Zachlynn Noguera
Joshua Heyer
Juliennne Geerman
Jurick Geerman

Bisanieto/a nan:

Jaillen y Jay-rick Quandus, Sarina Geerman
Devin, Damiön, D'vaën y Demier Noguera
Milaiza, Mason y Malcolm Noguera
Xavier y Xander Noguera
Aliyah Armantrading

Iha stima manera yiu: Sharine Perez-Yarzagaray y famia

Rumannan:

†Carmen y +Mario Yarzagaray y famia
†Maximo (Buchi) y †Rina Werleman y famia
Juan (Doe) Werleman y famia
Arturo Werleman y Netty Williams y famia
Rina Werleman y famia
†David Werleman y famia
Helen Werleman y famia
Ingrid Werleman y famia na Hulanda
†Lilian y †Carlos Ridderstap y famia na Hulanda
†Salucia (Ucha) Geerman y famia na Hulanda
Angelberto Geerman y famia
Mariana (Anchi) Geerman y famia na Hulanda

Swa y cuña nan, primo/prima nan, sobrino/sobrina nan, comer/comper nan, iha nan, ex-coleganan di Gezondheidsdienst, Bestuurskantor Noord, bon bisiaña nan, amistad nan.

Danki di curason na tur dokter y trahador nan di SABA, afdeling Azalia en especial, pa e cuido y amor brinda na nos mama stima.

Demas famia nan; Frank, Werleman, Noguera, Heyer, Arends, Filiciana, Christiaans, Baena-Gaviria, Rafiné, Yarzagaray, Geerman, Henriquez, Wernet, Ridderstap, Albertus, Niebles, Croes, de Abreu-Brazao, Maduro, Rasmijn, Irausquin, Schönherr, Dirksz, de Cuba, Schwengle, Perez

Kier a invita pa **acto di entierro** di nos mama, madu, tanchi Rosa stima cu lo tuma lugar dialuna 12 di mei 2025 na Aurora Funeral Home di 2pm pa 4pm, sigui pa un response.
Acto di cremacion lo tuma lugar den seno familiar.

Despensanos si den nos tristesa nos por a lubida algun, famia, amigo of conoci.

No ta ricibi bishita di condolencia na cas.

Aurora

Royal Pray

Funeral Home & Crematory

*“Señor ta mi wardador
mi’n tin falta di nada
den cunucu di yerba berde e
ta ponemi sosega.
E ta hibami na awa trankil,
pa mi bolbe haña forsa”
Salmo: 23*

Nos ta anuncia fayecimento di:



Silvio S. Maduro
Mihor conoci como: “Kuchi”
★03-01-1962 - †22-04-2025

Na number di su:

Mayornan:

†Luis Maduro
†Martina Margarita Maduro

Rumannan:

†Jorgina Maria Gonzalez-Maduro
Mario Maduro

Cuña y swa: Maria Clara Miranda Maduro
Robert Gonzales

Tanta:

Ebia Maduro, y omo † Kapito Maduro

Omonan:

†Ale Maduro
†Efrain Maduro
Mito Maduro
†Silvio Maduro (toes)
†Jo Maduro
†Juaqin Maduro
Sira Maduro
†Dominiko (kokoi) Maduro
†Marieta Maduro
†Ruperta Maduro
†Leonardo Chonai Maduro

Sobrino(a)nan: Mario Maduro y casa Shary Maduro y yuinan, John Jairo Maduro y casa Kirsha Paula Maduro, Jorginio Gonzalez y yiu, Gwennety Gonzalez y yiu, Naigel Gonzalez

Demas famia nan: Maduro, Croes, Gonzalez, Angela, Werleman, Mejia, Siels, Paula, Kelly, Tromp, Winklaar, Fleming, Koolman, Geerman

Acto di despedida lo tuma lugar Diaranson dia 07 di Mei 2025 di 2or pa 4or di atardi na Aurora Funeral Home. Cremashon lo tuma lugar den seno familiar.


Aurora

Royal Pray

Funeral Home & Crematory

*Hesus a bis’e: “Ami ta
resureccion y bida;
esun cu kere den Mi lo biba,
aunke si e muri,
y tur esunnan cu ta biba y ta
kere den Mi
lo no muri nunca”
Huan 11:25-26*

Cu dolor na nos curason,
nos ta participa fayecimento di nos ser stima:



**Sra. Vda. Clara
van der Biezen-
Jacobs**

Cariñosamente yama
“Caridad”
★16-04-1944 - †05-05-2025

Acto di entierro lo
wordo anuncia
despues

Aurora

Royal Pray

Funeral Home & Crematory

*Hesus a bis’e: “Ami ta resureccion I bida;
esun ku a kere den Mi, lo biba asta si e muri.
I niun hende ku tin bida Eterno, lo no muri nunca
mas.
Juan 11:25*

Cu dolor na nos curason pero conforme cu boluntad di Dios, nos ta anuncia Fayecimento inespera di nos Yui, Tata, Ruman stima, Subrino, Swa, Primo(a)nan y Amigonan stima:



Rivelino Enrique Solognier
Cariñosamente yama: “Nino”
★08 Juli 1974 - †12 April 2025

Na number di su **mama stima:** Ruth Maduro
Padraastro: Rolando (Roy) Theysen

Su tata na Hulanda: Ignacio Solognier

Su yiunan:

Su princesa: Shaneyta van den Berg y Francis Gomez
Rolandino y Junino Bislip

Su nietonan stima:

Franshon, Franshqion, shaydion Gomez

Rumannan:

Shirley Kock Solognier y Lindomar Kock
Mariby Panneflekk Solognier y Alexsander Panneflekk

Su Sobrino y sobrinanan:

Roderick, Jeaderick, Lindo jr Kock
Ezechiël (Hulanda), Jordan (Hulanda),
Xiomara (Hulanda), Glyssa (Hulanda), Abigail (Hulanda)

Manera un tata su omo stima:

Simon y Julieth Maduro

Su tanta y omonan, primo y primanan, famianan na Venezuela, Amigo(a)nan, bisiañanan, ex coleganan, taxinan, tour operators nan, su clientenan turistico y demas famianan.

Ta invita pa **acto di condolencia y despedida** cual lo tuma lugar na Pray Funeral Home diahuebs 8 Mei 2025 di 7’or pa 9’or di anochi.

Nos ta pidi disculpa si den nos tristesa nos por a lubida un of otro familiar.

Nos ta lamenta cu despues di despedida nos no ta ricibi bishita di condolencia na cas.

Enbes di flor of krans ta pidi donacion pa un bon causa lo tin un box disponible pa e bunita gesto aki.

Aurora

Royal Pray

Funeral Home & Crematory

Paz Mi ta laga pa boso; mi paz Mi ta duna boso, ma no manera mundo ta desea otro paz ora nan ta cuminda otro. No laga boso curason bira intrankil, ni no cobardia. (Huan 14:27)

Cu onda pena pero conforme cu Dios Su boluntad nos ta anuncia cu a fayece inesperadamente:



Selwyn Rodney Alexander

*12-10-1948 - †01-05-2025

Na number di su:

Casa: Glenda Alexander- Koolman

Yiunan stima:

Aldrick Alexander y Nathalie Croes y famia
Melisa Trimon- Alexander y Rudolf Trimon y famia
Ghislaine Wijdeven- Alexander y John Wijdeven y famia.

Nietonan stima:

Christopher Alexander
Amirah y Ashwyn Trimon

Manera nietonan: Nayelle y Nathan Arends

Rumannan:

Sheila Alexander na Hulanda
Cynthia Alexander
Janet van Loosbroek-Alexander y †Ton van Loosbroek na Hulanda
†Chester Alexander
†Norral Alexander y Jeta Alexander-Martina
Brenda Alexander
†Glenn Alexander y †Miriam Alexander-Ortiz
Marva Hart-Alexander y Kenneth Hart
Ida Philomena Croes

Swa-y cuñanan:

Frida Quandus-Koolman y Ansermo Quandus y famia
†Daniel Koolman y +Norbertha Koolman-Kelly y famia
Luisa Julietta Koolman y famia.

Sobrino- y Sobrinanan

Gregory Vasquez y famia
Geraldine (Dina) Alexander y famia
Ryan Alexander y famia
Sharon Alexander
Jaycee Alexander
Glenn Jr. (Glemy) Alexander y famia
Nigel Alexander y famia
Kenny Hart y famia
Marvin Hart.

Tanta- y Omonan na Aruba, Trinidad, USA y Anguilla,
Primo- y Primanan na Aruba, Trinidad, USA y Anguilla,
Su bon amigonan, conocirnan y bisiñanan.

Demas famia: Alexander, Koolman, Trimon, Wijdeven,
Vasquez, Martina, van Loosbroek, Hart, Richardson,
Celaire, Croes, van der Biezen, James, Defoe y Singh.

Su ex-coleganan di Aruba Airport Authority.

Oportunidad pa extende condolencia lo ta na: Royal
Funeral Home, diaranson 7 di mei 2025 di 7 or di anochi
pa 9 or di anochi.

Acto di entiero lo tuma lugar diahuebs 8 di Mei 2025
na Royal Funeral Home di 2 or pa 4 or di atardi, despues
saliendo pa Santana na Sabana Basora.

Nos ta lamenta cu despues di entiero nos no ta ricibi
bishita di condolencia na cas.
Nos ta pidi disculpa si den nos tristesa, nos por a keda sin
menciona of lubida un of otro famia.

Aurora

Royal Pray

Funeral Home & Crematory

*Lagrimanan y Flornan por seca ,pero su recuerdonan y tur loke
ela hasi pa nos lo keda graba den nos mente y curason.
Serca Dios mi alma ta na paz, di dje mi salbashon ta bini.*

Cu Hopi dolor na nos curason pero conforme cu Dios su
boluntad nos ta anuncia fayecimento di



Maria Magdalena Wever

Mihor conocí como: "Lena"
* 25-Oktober-1939 - †01-mei -2025

Mayornan: †Dionicio Wever y †Maria Wever-Rasmijn

Na number di su yiunan:

†Gregorio Maduro
Rosa y Ramiro Krosendijk-Maduro y famia
Jacinta Maduro y famia
Vivienne y Francisco Tromp-Maduro y famia
Gorge y Iskia Maduro-Rangel Bermudez y famia
Abegaëla Maduro y famia

Nieto y Nietanan:

Edgard Krosendijk na Hulanda, Rodlane Krosendijk na
Hulanda, Monique y Gerold Gomez y Famia na Hulanda,
Mary-Lienne y Daryll Thiel-Geerman y famia, Mary-Vienne
y John Leo-Geerman y famia, Rose-Ann y Isaac De Cuba
y famia na Hulanda, Jarold y Ghislaine Tromp-Geerman y
famia, Faubiela y Armando Pacheco Morales-Tromp y famia,
Marianellič y Myson Ambrotuis-Maduro y famia na Hulanda,
Amylain y Christopher Slicker-Tromp y famia, Shonmicheal y
Marianne Solognier-Dania y famia, Naina y Railyson Reina-
Maduro y famia na Curacao, Marisabel y Gioshua Maduro-
Solognier y famia, Alexandrina Maduro na Hulanda, Tarrans
Solognier

Bisanieta y Bisanietonan:

Jennaida Leo y Micheall Arias, Gedeon Werleman y Mia
Ramirez, Mary-Belle Leo, Zheon Werleman, Rose-Mary Leo,
John-Hendrick Leo, Rashyna Maduro, Jarzon Tromp, Alexis
Pacheco Morales, Jean-Leen Lesandrina, Eden Maduro, Edenly
Reina, Ashlynnne Pacheco Morales, †Abigaïlle Pacheco Morales,
Allysee Pacheco Morales, Ayden Gomez, Ace Pacheco Morales,
Riënnely Reina, Gilveon Geerman, Shamil Solognier, Queen-
Meishelly Maduro, Mia De Cuba, Tushano Maduro, Myson
Tromp, Shynely Reina, Shamiliannne Solognier, Ameesha
Maduro

Rumanan:

†Mario Wever
†Francisco Wever
Epifania Croes-Wever
†Barbarita Geerman-Wever
†Eulalia Farro-Wever
Anna Geerman-Wever
†Isaac Wever
†Margolina Wever-Wever

Iha: Mayela Bockhoud-Wever

Ex-yerna y ex-yernonan:

Maria Janga, Robert Geerman, Harold Tromp, Mario Solognier

Amigo y amiganan di cas:

Jerry Gomez, Endy y Nilda Meyer, Córnea Dirks, Olivia

Subrino y subrinanan, primo y primanan y demas famia;

Wever, Rasmijn, Krosendijk, Tromp, Geerman, Rangel
Bermudez, Janga, Solognier, Gomez, Leo, Pacheco Morales,
Thiel, De Cuba, Slicker, Dania, Werleman, Lesandrina, Reina,
Croes, Farro, Kock, Ambrotuis, Tobel

Enbes di krans of flor lo ta altamente aprecia pa haci un
donacion na Lions Club Aruba pa yuda nan sigui duna atenshon
profeshonal na nos adultonan mayor.

Oportunidad pa condolencia lo tuma lugar diaranson 7 di
Mei na Aurora Funeral Home
7:00 pm-9:00 pm

Acto di despedida y entiero lo tuma lugar diahuebs 8 di Mei
na Aurora Funeral Home di
9:00 am - 11:00 am, sigui pa Santa Católico na San Nicolaas

Nos disculpa si den nos tristesa nos por a lubida algún persona.

Nos ta lamenta cu después di entiero nos no lo por ricibi bishita
di condolencia na cas.

Aurora

Royal Pray

Funeral Home & Crematory

*Waar levensvrengde, wilskracht en liefde
het wonnen van dieptepunten en tegenslagen,
daar is het leven goed geweest.*

Lieve Kitty, bedankt voor alles.
Wij zullen je missen!



Kitty Emma Alvares

* Paramaribo, 30 Maart 1952
Aruba, 29 April 2025

Ik ben de opstanding en het leven.
Wie in mij gelooft, zal leven, ook al is zij
gestorven
(Johannes 11:25)

Dion en gezin, Chaim, Nahuel,
Ankie en gezin, Flip en Janny

De uitvaartsplechtigheid zal plaatsvinden op
9 mei te Aurora Funeral Home op Aruba van
02:00pm tot 04:00pm.

Aurora

Royal Pray

Funeral Home & Crematory

*“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa.”
Salmo: 23*

Nos ta anuncia fayecimento di:



Ricardo Antonio Kelly

Mihor concoi como: “Kai”
*07-02-1932 - †04-05-2025

Acto di entiero lo wordo anuncia despues.

Lider conservativo Merz ta supera derota historico pa bira canciyer nobo di Alemania



(AP)—Diamars lider conservativo Friedrich Merz a logra bira e siguiente canciyer di Alemania, ricibiendo aplauso y un sensacion notable di alivio den camara di parlamento despues cu un derota historico den e prome ronda di votacion a pone den riesgo e promesanan di estabilidad di e gobierno nobo.

Ningun otro candidato pa e canciyeria di Alemania despues di guerra mundial a fracas pa gana den e prome ronda. E derota impresionante pero cortico a manda olanan di shock rond Europa y a causa un caida den bolsa di cambio, cu e index DAX di e empresa grandi di Alemania cayendo 1.8% na un cierto momento.

E prome ronda di votacion, cual a tuma luga via voto secreto, por afecta e posibilidadnan di exito pa Merz y trece problema pa e agenda di su coalicion, cu ta inclui rebibando un economia stanca y enfrente e crecimiento di partido ultra-derecha anti-inmigrante, Alternativa pa Alemania (AfD).

Como e pais mas pobla den Union Europeo y cu e economia mas grandi den e continente, Alemania ta un forsa diplomatico y economico. Hopi hende a anticipa cu e ascenso di Merz lo yuda Europa nabega e guerra na Ucrania y e politica di comercio controversial di presidente Mericano Donald Trump.

“Henter Europa, y talbes henter mundo, ta mirando e segunda ronda di eleccion,” Jens Spahn, lider di e fraccion centro-derecha Union den parlamento di Alemania, a bisa prome cu e voto final.

E consecuencia Merz tabata anticipa di gana facilmente e votacion pa bira e di dies canciyer di Alemania despues di Segunda Guerra Mundial, pero e prome ronda den parlamento a lag’e cu 310 voto—hopi mas abao di e 328 asiento cu su coalicion tin.



Un par ora despues den e segunda ronda, el a logra haya 325 voto, pasando e 316 necesario pa gana den e Bundestag cu 630 asiento. Pasobra e votonan tabata secreto, no ta cla—y porta nunca lo ta—ken a bandona e campo di Merz.

E coalicion di Merz ta lidera pa su partido centro-derecha Christian Democratic Union y su partido ruman Bavaro, Christian Social Union. Uni cu nan ta e partido centro-isquierda Social Democrats,

lidera pa canciyer saliente Olaf Scholz, cu a perde eleccion nacional na februari.

Volker Resing, biografo di Merz, a bisa cu Merz y su ministernan nobo mester concentra awor riba e trabao diario pa maneha e pais. “Mañan, e gobierno aki mester traha, y mester laga hende lubida con el a cuminsa,” el a conta The Associated Press. “E mester muestra cu e por pone e economia riba bon caminda atrobe...E mester

muestra cu e por pone migracion ilegal bao control, y e mester muestra cu e liderato ta bolbe den Europa, specialmente mirando e menasa cu ta bin di parti oriental.”

Merz no a papia directamente tocante su derota den e prome ronda den su prome discurso despues di ser hura-menta, bisando solamente cu e ta gradici pa ser eligi “den e segunda ronda di votacion.”

Organisacion Europeo di derecho humano ta pidi Grecia para deportacionnan rapido di migrantenan

(AP)—Grecia a ricibi un peticion diamars pa implementa proteccion legal mas fuerte na su frontera y pa adopta un “politica di cero tolerancia contra deportacionnan rapido” mientras reportahenan di deportacion ilegal di migrantenan ta aumenta a pesar di critica internacional cu ta sigui crece.

Michael O’Flaherty, comisario di derecho humano di e Consejo di Europa, a emiti e recomendacionnan despues di un bishita cu el a haci na Grecia den februari. “E comisario ta preocupa tocante e alegacionnan cu el a ricibi durante su bishita referente e practicanan persistente di deportacion rapido—tambe conoci como ‘pushbacks’ of ‘devolucion forsa informal’—tanto na frontera terrestre como maritimo,” segun un memorandum di e Consejo di Europa.



“Pa deporta hende sin procedimiento individual di identificacion ta impedi paisnan miembro di determina si nan ta manda nan back na abusonnan di derecho humano,” e documento a agrega.

O’Flaherty a nota cu e cantidad di alegacionnan a cay den e ultimo luna. Grecia ta sigui nenga e alegacionnan di pushbacks, sosteniendo cu su medidanan di control na

frontera ta conforme ley internacional.

Den un reaccion skirbi pa e comisario, Polis Griego a bisa cu nan oficialnan ta solamente involucra den “prevencion legal di crusada ilegal na frontera mientras migrantenan ainda ta den territorio Turco y no a yega Grecia ainda.”

E acusacionnan di pushbacks a bira un enfoko legal despues

cu e Corte Europeo di Derecho Humano a tuma decision en contra di Grecia na januari, descubriendo cu Atenas a viola e convencion Europeo di derecho humano por medio di expulsa migrantenan sistematicamente sin un proceso debido.

E gobierno Griego ta haciendo di politicanan di migracion mas estricto. Minister di Migracion Makis Vouridis

a anuncia plan pa amplia e periodo maximo di detencion pa solicitantenan di asilo rechasa di 18 luna pa 24 luna. “E migrante ilegal di ken su peticion di asilo ta ser rechasa y cu sinembargo no kier sali di e pais lo enfrente un ambiente institucional hopi mas desfavorable cu loke tin awor—esencialmente pa stimula salida boluntario,” Vouridis a bisa na canal noticiero Action 24.

Dimars, e wardacosta a reporta cu nan a salba 158 migrante for di tres boto di rubber pazuid di e isla di Creta, cu ayudo di barconan comercial den e area y Frontex, un agencia Europeo di proteccion di frontera.

Estableci na 1949 y cu sede na Strasbourg, Francia, e Consejo di Europa ta un organizacion internacional dedica na promove derecho humano, democracia y ley. E tin 46 pais miembro.

Ruanda ta bisa cu e ta den dialogo cu Merca tocante ricibimento di deportadonan for di otro pais

(AP)—Ruanda a gara atencion internacional—y tambe indignacion di algun hende—ora el a acepta ricibi solicitantenan di asilo rechasa na Reino Uni den un plan cu a cay aña pasa. Awor Ruanda ta bisa cu e ta den dialogo cu e administracion di Trump riba un idea similar—y e por ta mas exitoso.

E negociacionnan ta representa un expansion den e esfuersonan Mericano pa deporta hende na paisnan cu no ta nan pais di origen. Merca ya a manda hende for di Venezuela y otro pais na Costa Rica, El Salvador y Panama, pero ainda no a anuncia un acuerdo grandi cu gobiernonan den Africa, Asia of Europa.

Ruanda ya pa hopi tempo a resalta den e continente Africano como un pais cu a logra recupera for di e genocidio di 1994 cu a mata mas cu 800.000 Tutsi y Hutu. Bao di su presidente di hopi aña, Paul Kagame, e ta promove su mes como un oasis di estabilidad. Pero organisacionnan di derecho humano ta sigura cu esey tin un prijs doloroso, citando represion mortal contra supuestamente



oponentenan politico.

Ruanda a defende su posicion, bisando cu a pesar di ta un di e paisnan mas densamente pobla den Africa, e tin espacio pa yuda alivia un problema cu hopi pais den Europa—y tambe Merca—ta considera un crecimiento: Migrantenan no desea.

Minister di Asunto Exterior di Ruanda a confirma dialuna na The Associated Press cu e pais ta den dialogo cu Merca tocante un posible acuerdo pa ricibi migrantenan deporta. El a bisa anteriormente na medionan estatal cu e discusionnan ta den “fase inicial.” Minister Olivier Nduhugirehe no a duna mas de-

taye, pero a bisa cu esaki ta conforme cu e compromiso largo di Ruanda pa busca solucionnan pa migracion.

E Departamento di Estado di Merca no a comenta riba e posible acuerdo, pero a bisa cu pa traha cu gobiernonan stranhero ta un parti importante di su politica pa disuadi migracion ilegal.

Reportahenan local na Ruanda a sugeri cu Merca lo probablemente financia un programa pa integra migrantenan den sociedad via salario y asistencia pa busca trabao.

E plan fracasa entre Ruanda y Reino Uni

Reino Uni a firma un acuerdo cu Ruanda na 2022 pa manda migrantenan cu yega na Reino Uni como polizon of den boto na e pais Africano, caminda nan peticion di asilo lo ser procesa y, si nan logra, nan lo keda biba ey.

E plan a para pa motibo legal y a ser critica fuertemente pa organisacionnan di derecho humano, cu a yam’e inetico pa manda migrantenan na un pais 6.400 km leu caminda cu nan no kier keda.

E plan a cay den otro aña pasa despues cu e gobierno Labour nobo a tuma poder. E minister di Asunto Interior nobo di Reino Uni a yama e plan “e malgasto mas escandaloso di placa di contribuyentenan cu mi a yega di mira” y a calcula cu e costo tabata 904 milyon dollar.

Ningun vuelo pa Ruanda a tuma luga den marco di e plan, pero e gobierno a bisa cu e costo total tabata inclui 387 milyon dollar cu a ser paga na Ruanda. Ruanda a bisa cu e no tabata obliga pa paga esey back. Preocupacionnan tocante derecho humano



Defensornan di derecho humano a expresa nan preocupacion di e fayecimentonan di supuestamente criticonan di gobierno Ruandes den custodia, y tambe di e supuesto matansa di exilionan na lugarnan manera Sur Africa. Ruanda a responde tin biaha cu rechasonan rabioso na reportahenan di abuso di derecho humano—incluyendo e secuestro y detencion di un residente Mericano cu a ser engaña pa subi un avion pa Kigali mientras e tabata bishitando Dubai. El a ser libera despues di presion di e administracion di Biden.

Ruanda tambe ta haya critica pa su accionnan militar agresivo den e region. Expertonan di UN a documenta e sosten di Ruanda na un rebellion cu a tuma dos ciudad na e parti oriente di Congo, un area rico den mineral. E situacion a crea temor pa un guerra regional nobo, y hopi pais di e mundo Occidental a corta relacion of a restringi yudansa na e pais. Ruanda a bisa cu e ta defendiendo e comunidad Tutsi den Congo.

E administracion di Trump, cual a sanciona un minister Ruandes y a referi na un enlace cu rebeldenan, ta purba yega na un acuerdo di paz. Pa acepta migrantenan de-


porta di Merca por mehora e posicion di Ruanda banda di Washington y otro paisnan.

Historia di Ruanda cu migrantenan

Ruanda na 2019 a firma un acuerdo cu e agencia di refugiado di UN pa yuda ricibi migrantenan saca for di Libia, caminda hopi hende cu a purba yega Europa a reporta abuso den centronan di detencion. Segun UN, e centro di transito na Ruanda tin capacidad pa 700. Na final di aña pasa, a ser reporta cu mas cu 2.400 hende a ser asisti den loka ta considera un estadia temporal durante e proceso pa haya “solucionnan a largo plaso” incluyendo relocacion pa un otro pais.

Prome cu e acuerdo cu Reino Uni a cay, Ruanda a gaba di un otro centro di transito, un hotel renoba na Kigali, cu por ricibi 100 persona, cu opcion pa amplia si ta necesario. Ruanda a bisa cu e lo procesa documentonan di migrantenan dentro di tres luna. Nan por keda of gobierno lo yuda esnan cu kier bolbe na nan pais. Ruanda a compromete pa cubri e gasto pa cinco aña.

No ta cla ainda si e mesun termino lo ta inclui den un posible acuerdo cu Merca.



CASH DEN 3

Pa tempo limita!

MAMILO BRIYA CU UN REGALO DINOS TUR DIA!

electro

Avenida Milio Croes 41 ☎ (+297) 280-0222